

32050

Вас. ВЛАСОВ

# ШУД

КЫВБУРЪЯС  
СЪЫЛАНКЫВЪЯС  
МОЙДЪЯС  
ПОЗМАЯС

THE JACOB

BY THE

REV. JACOB

REV. JACOB

REV. JACOB

REV. JACOB

REV. JACOB

REV. JACOB

REV. JACOB

REV. JACOB

REV. JACOB







*Кывбурьяс*

*Сыланкывьяс*

*Мойдзяс*

*Поэмаяс*

Коми книжнӧй издательство ©

Сыктывкар 1976

0743-007

В М. 12(02)-76

С (коми)

В 58

Художник А. В. Мошев

Власов В. И.

В58 Шуд. Қывбуръяс. Сьыланкывъяс. Мойдъяс.  
Поэмаяс. Коми книжнӧй издательство, Сыктывкар,  
1976.

96 лб.

Василий Иванович Власовлӧн тайӧ нельӧд книга. «Шуд» книгаӧ пырисны уна пӧлӧс жанра гижӧдъяс. — кывбуръяс, сьыланкывъяс, мойдъяс, поэмаяс. Но найӧ асланыс тэчасног серти, пытшкӧсса мӧви серти ӧта-мӧдкӧд топыда йитчӧмаӧсь, восьтӧны авторыслысь сьӧлӧмсӧ, ыджыда кылӧмсӧ, ӧтлаӧдӧны зумышлун и шмӧнькыв, орччӧдӧны сюсь видзӧдлас и серамбан. Олӧмлысь серсӧ казавны, кывны йӧзыслысь радлун и шогалӧм, овны да видзӧдны олӧм вылас уджалысь морт синмӧн, олӧмсӧ выльмӧдысь морт синмӧн — таын и медыджыд шудыс. Тайӧ шудсӧ аслысногӧн и петкӧдлӧ-восьтӧ гижӧдъясас В. Власов, кодлы книга петан воын тырӧ 60 арӧс. «Выль могъяс чуксаласны аски, и накӧд тӧдса туйӧд муна, мед эськӧ бара вӧчны пасйӧд мен паныд сувтысь шуда лунас», — поэтлӧн шуӧмыс ышӧдӧ и мянӧс, лыддысьысьясӧс.

С (коми)

0743—005  
В М 128(03)—76 30—76 м

© Коми книжное издательство 1976

## ЧУЖАН МУЛЫ

Оз тыдав тэнад пом ни дор,  
Лөз пармаа, лөз юа муёй,  
Но мекөд төдмасис быд шор,  
Быд туйкөд вевся менам туйёй.

Ме нэм чөж тэкөд овны дась —  
Мед эськө кивны лов шы тэнсьыд.  
Оз вөтлы гожся дэбйид тась.  
Ни төвся туробыд оз дөнзьөд.

Ог повзыи киё босьтны зыр —  
Мед туйяс вивсьыд зыртны лымсө.  
А тэысь бокын овны дыр  
Бать-мам эз сетны меным вынсө.

Оз көдзөд менө кынмөм му —  
Ме сывда сийөс аслам лолөн.  
Коть вөтлан — тэ дорысь ог мун.  
Ог аддзы тэтөг шуда олөм.

Тэ менө чужтін, сетін вын,  
Тэ шуин менө аслад пиён.  
И кытчөдз сьөлөм оз ло кын —  
Ме тэ дор мөвпъясөн и киён.

□ □ □

Авъя тулыслысь шоныд бордъяссö  
Бара видлала аслам киясөн.  
Олём гажöдысь дона ёртьясöс  
Бара казтыла мелі кывъясөн.

Югыд синъясас визув олёмлы  
Йöзкöд öтвылысь сюся видзöдла.  
Майкöд быдлаö көсья волыны —  
Паськыд му вывсö медым мичмöдны.

Самолёт вылö талун сöла ме,  
Лэба — кузь туйсö ог и казавлы.  
Гажсö тулыслысь босьта сьöлёмö,  
Йöзкöд öтвылысь кута гажъявны.

Майыс тэрмасьö, менö тэрмöдлö,  
Тувсов шондiсö зэв водз садьмöдö —  
Мусö сюсьджыка бытьö бергöдлö,  
Олём-вылёмсö йöзлысь ладмöдö.

□ □ □

Том төлысь ытшкö енэж дорсö,  
Веж небыд турун кыссьö сылань,  
Вөр сынöд шонтö гожся войсö,  
И ачyd лöсьыдысла сылан.

Оз узьсы тани страда кадö:  
Гöрд шондi пожöм ягöд ветлö,  
Кöк кöнкö ылын горзö-радлö  
Да юлысь унзиль сийö вöтлö.

Лөнъ кодзувъяскöd йитчöм кыа  
Оз слöймы енэж вывсьыс мунны.  
А радлун менам мелі кывъя,  
Кöть зэв нин сёрөн вода узыны.

Кор менсьым синъяс тупкас унмöй  
Да босьтас дзикöдз аслас сывйö,  
Став лунся мөвлыс менам вунö,  
И лолöй сöмын öтнас сьылö.

Пöсь вирын менам: мича ывла,  
Лөнъ паськыд ю да енэж помтöм,  
Быд мыла гөлөс, кодöс кывла...  
И ставыс сьөлöм менсьым шонтö.

Выль могъяс чуксаласны аски,  
И накöд тöдса туйöд муна,  
Мед эськö бара вöчны пасйöд  
Мен паныд сувтысь шуда лунас.

Кöдзыд тöлыс ыджыд еджыд пася.  
Сйö некор шойччыштны оз кöсйы.  
Мыйön воас полюс дорсянь татчö,  
Пыр жö асьсö удж вылö нин вöзйö.

Сöмын чөвтас гөпъяс вылö синсö —  
Кодзув сера паськөдчасны посьяс.  
Кöсьяс муртса петкөдлыны вынсö —  
Паськыд туйön вöрыс-ваыс воссяс.

Тшöтш и сылысь виччысям тай локтöм,  
Быттö ыджыд, нэмөвöйя праздник:  
Сйö олөм югыдлунсö октö,—  
Мича гажлөн гөрöд чукөр разьсьö.



Быд сиктса пачысь енэж лӧзас  
Тшын кайӧ, быттӧ шабді вез.  
Ю дорын пожъясьӧны йӧзыс,  
Яг шӧрын поткӧдлӧны пес.

Гӧсть пыдди волӧ карса олысь —  
Мед сиктса сынӧдыс эз вун,  
Мед нӧшта ӧтчид небыд корӧсь  
Бӧр чужтас челядьдырся ун.

Пыр важ моз юкмӧс васӧ вӧзйӧ,  
Ру самӧварысь петӧ дыр.  
Но ӧшинь югыдлӧзӧн ӧзйӧ —  
Москвалӧн шыяс керка тыр.

Туй чукӧр — быттӧ ньӧвъя визьяс;  
И томлун весьшӧрӧ оз ов —  
Му ськӧд шоналас и мичмас,  
И сӧвмас сэн быд ловъя лов.

А кыа дзирдалӧмыс кадлӧн  
Сикт весьтӧ паськӧдӧма сыв —  
Столица гӧрысь мортлы радлӧ,  
Сы йылысь сьылӧ сьыланкыв.

Бур шоньд пивсянъяс и пачьяс,  
И ывлавывса уджлӧн гор —  
Эм сиктлӧн нэмӧвӧйя пасьяс.  
Он шу, мый тайӧ ковтӧмтор.




Лым чарём вылын кодзув діяс —  
Кыдз найӧс кытшовтны, он тӧд.  
Быд ногыс вежласьӧны бияс;  
Син радлӧ — видзӧдны он пӧт.

Кок улын кӧдзыд лымйыс дзуртӧ,  
Пӧсь радлун сьӧлӧмӧ оз тӧр.  
Став дойыс мунігкості бурдӧ,  
Но регыд вошӧ чарём йӧр.

Лӧнь асья шонді синсӧ восьтӧ,  
Пыр вывлань лэптӧ асьыс юр.  
Ме ньӧжйӧ муна козьяс костӧд —  
Мед кодзув тальыштны оз сюр.

Пӧсь руӧн лолыштӧны пуяс,  
И менӧ чарём оз нин кут.  
Ме корся вӧрысь петан туйӧс  
И небзьӧм лым вылӧ ог сувт.



Кӧні колӧ, коллы нэм —  
Сюрас аслад шудыд.  
Карын, сиктын, вӧрын эм,  
Кутшӧм колӧ, уджыд.

Тэд кӧ колӧ — тэ шофёр,  
Тракторист, кӧть лётчик.  
Тэд кӧ муса — тэ лифтёр,  
Пӧжасьысь кӧть дорччысь.

Окота кө — пөрөд вөр  
Лиbö стрөит керка,  
Лиbö паськыд муяс гөр;  
Сөмын весь эн бергав.

Чужан му вылысь оз ям  
Некор югыд мичыс.  
Тырмас төдөм, тырмас сям,  
Эбөс миян вичмас.

Мед жө шуда уджлөн гор  
Кывсяс дзик став светас.  
Коді шуда олөм дор —  
Миян туйө петас.

□ □ □  
Водз асыв бияссө эз кусөд  
И кодзувъяссө эз на дзеб,  
А гөрдөн мавталө нин мусө  
Да йөткө вывлань шонді нөб.

Тшын сюръя чукөр енэж пыкө,  
Лөнь сынөд лолыштны оз лысьт.  
Том гозья восьлалөны кыкөн —  
Оз бытьө гөтыр өтнас письт.

Мөс вердысь мөсьясөс нин вердіс,  
Мөс лысьтысь лысьтіс уна йөв.  
Водз садьмысь кага көнкө бөрддзис,  
А сиктса ывла оліс чөв.

Кор өтик туйод кыкөн мунан,  
Сэк туйыд лоас медся бур.  
И мортлөн шудыс медся уна,  
Кор выльтор корсьо сылөн юр.

### МЕД СОДАС ШУД

Кымынысь көть выль воыд оз волы —  
мортлөн радлём оз од некор быр.  
Татшөми нин аслыссяма олём —  
Мыйкө корсям, мыйкө виччам пыр.

Чайтам, шонді югыдджыка өзьяс,  
сьолём пиын лоас унджык вын,  
и быд бурсө олём мяян вөзьяс...  
Мөвпьяс дзугйысь некыдзи он мын.

Сөмын он и төдлы, кыдзи вуджан  
вояс костын куйлысь дженъыд пос;  
он и төдлы, кыдзи тыран уджөн.  
И пыр водзө — бөрвыв он од кос.

Водзө, водзө — выль вояслы паныд:  
медым шогсьөм сьолөмөд эз кут,  
медым быд лун унджык керка панны,  
медым содас воысь воо шуд!

Мыйла нө тэ, асья руй, узян татшөм сёрөдз?  
 Пыр на жмитчан шоньд муо, кок он кыпөд шорысь.  
 Кад нин тэньд шоньд төлөс еджьд сывъяд босьтны,  
 кыпөдчыны енэж шөрас, выль туй аслыд восьтны,—  
 медым лэбны кымөр пивйөн, нинөмысь не повны,  
 ыджьд кымөркөд чардбиён отув олөм овны.



Гым ньөвйось роскыс чышкө енэж лэбув,  
 съод кымөр чукөр вайө татчө зэр.  
 Ми тэрмасьөмөн киө босьтам лэбын  
 да пажун пыдди чөвтны мунам бөр.

Быд турун юр, кьдз ыджьд төдтөм лэбач,  
 борд паськөдөмөн вывлань лэбзьө чөв.  
 А ылыс зэрлөн кывмөн содө эбөс,  
 и лов шы сылысь вайө шоньд төв.

Ён багатыр кодь сувтис турун зорөд,  
 ми сыналим и вылас өшлим ньөр.  
 Зэр довъялис и кытшлалис сы дорөд —  
 ас сөрмөм вылас сийө вөли скөр.

Кос турун пиын бытьё шонди торъяс —  
 мыш шонтыны пось сынөдөн зэв бур,  
 Том серам киссьө сөрмөм пажун дорас,  
 а мудзөм вылө норасьысь оз сюр.

Вот гылалісны зэрлөн бөръя войтъяс,  
лөнъ рытыс чөскыд дукөн лоис тыр.  
Бур унмөн узьём мудзёмнымос босьтас.  
И асывводзлы съёлём радлас дыр.

### ДЗОРИДЗЬЯСА ВИДЗ

Ми ёрткөд төрыт видзьяс вывті мунім,  
и кутөд мян радлөмлы эз вөв.  
Эз вөвлы бытьё весиг — мудзём вуні.  
Пось шонді пөжис. Ывла оліс чөв.

Тан гөгөр быдмө лөзов рёма турун —  
кос шөрөдз мян муртса озджык во.  
Том бордъя мөвпьяс поздысьоны юрын.  
И кажитчө — бур кадлы пом оз ло.

Ме шуа ёртлы: «Кутшөм мича виддзыс!  
А дзоридзьяслы лыд ни тшөт оз сюр!»  
Но ёртөй меным тадзи вочавидзис:  
«Ме радуйтча, мый урожайыс бур.

Мен колө турун — мөсьясөс мед вердны,  
рос чеглавны мед төв шөрын эз ков;  
мед эськө челядь йөв вөсна эз бөрдны  
дай тэ, бур другөй, йөвтөг мед эн ов».

Ме бригадиркөд вензьяны эг көсьы,  
эг шу: «Мен дона дзоридзьяса видз».  
Морт съёлөмсяныс буртор вөчө йөзлы,  
и сылы мөд ног восьё видзлөн мич.

## МАКСАКОВКАЫН

Максаковкао волі, йӱзкӱд тӱдмаси-сэн.  
Сэтчӱс уджалысь-олысь тадзи висътасис мен:  
«Зэръяс мыськӱны морӱс, шондӱ банйӱдӱ мыш.  
Удж тан — помыс ни дорыс: уджав — уджась кӱть дыш.  
Вывсянь кывтӱны керьяс — ӱдва лолалӱ ю.  
Сӱмын кывла ме: «Тэрмась!»  
Некод «шойчышт!» оз шу,  
Гарта эбӱсӱй быртӱдз помтӱм сутуга пом,  
гарта асывсянь рытӱдз, кӱть ме абу нин том.  
Ӹн машинаыс мурзӱ, лӱдзӱ пур бӱрся пур.  
Вурсьысь быттьӱкӱ вурсьӱ. Сылӱн вурантор бур.  
Ме ог норасьны вӱзйысь, ме ог мудзӱмысь пов.  
Сӱмын висътавны кӱсья, мый ог весьшӱрӱ ов.  
Мудзтӱм уджыд оз овлы, мудзтӱм удж — абу удж.  
Мудзтӱм олӱмӱн овны талун ог на ме куж.

## ВӱТ

Ме вӱтӱн важӱн нин ог лӱбав.  
А дерт жӱ вӱвлӱ сэтшӱм кад,  
кор бордйӱн чышки енӱж лӱбув,  
и аслам вӱтлы вӱлӱ рад.

Ме ӱнӱ мырся дзик быд вӱтын,  
мед венны гӱрӱ либӱ пос,  
и пыр ме медся улын, ӱткӱн...  
Бур вӱтӱй оз нин ӱмӱй кос?

## КОМИ МУЙ

Коми муй — коми ичмонь! Югид шонді ӧзйӧ тан.  
Лунысь луно бурмӧ, мичмӧ тэнад сӧстӧм чужӧмбан.  
Морӧс вылад орден чукӧр. Сійӧ весьшӧрӧ эз шед.  
Тэкӧд ворсӧ шонді югӧр, тэныд шойччыны оз сет.  
Тэ эн тӧдлыв уджысь полӧм, кӧдзыд тӧв эз кыпӧд шог.  
Тэнсьыд кокньӧдісны олӧм матыс чой да матыс вок.  
Тэнсьыд сёрни, сьыланкывъяс кывны позьӧ сясь и тась.  
Тэнсьыд лӧсьыд зарни кияс босьтны быдӧн ӧні дась.  
Тэнад озырлуныд уна, тырмӧ сям и кужанлун.  
Тэнад слава ылӧдз мунӧ, тэнад бур нимыд оз вун.  
Тэнад тшӧкыд вӧраинъяс, паськыд юяс, помтӧм шор,  
джуджыд тыяс — югид синъяс, быдмысь каръясыдлӧн гор,—  
ставыс ӧна тӧдса меным, ставыс сьӧлӧм пыин эм.  
Важӧн дась ме тэкӧд сӧмын кольны ассьым шуда нэм.

## ВЕЛОСИПЕД

Велосипед, велосипед! Тэ кытчӧ менсьым томлун нуин?  
Мен нинӧм бурджыкыс эз шед, ме тэкӧд пыр на ӧти туйын.  
Ме тэтӧг некытчӧ ог пет. Бур друг моз ме дорын тэ олан.  
Велосипед, велосипед! Мен «Волгаысь» на ёнджыка колан.

## «ВОЙВЫВ КОДЗУВ» ЖУРНАЛЛЫ

Комиӧн сёрнита тэкӧд ме — комикӧд,  
сьӧлӧмсянь киася тэкӧд ме — мусакӧд.  
Тӧда, тэ менӧ тшӧтш йӧзӧс моз помнитан.  
Эска, си менӧ тэ кыпӧдан — уся кӧ.

Водзё пыр ёнмыны, мичмыны — сиа тэд,  
быдёнлы мед эськё лоан тэ тёдсаён.  
Збойджыка ветлөдлы каръясөд, сиктьясөд;  
некор эн куйлы тэ йөз водзын пөдсаён.

## ЭСКОМ

Усьёны дзирдалысь войтьяс, усьёны ньөжйёник муё.  
Кыаысь мичаджык мойдъяс вой төлыс лунвылө нуё.  
Мойдъясысь унмовсис кыа, унмовсис вöрыс и ваыс:  
некөні некод оз шыав — чөв олө гөгөрбок ставыс.  
Отнам ме туй шөрөд муна, видзөда войыслы синмас.  
Мөвпьясөй чукөрмис уна, сійөн ме узыны ог инась.  
Зэр ваён көсийлі усьны — мусё мед көтөдны пыдөдз.  
Сөмын тай вошті ме сюсьлун — нюжмасы кымөръяс быртөдз.  
Мөвпыштлі төв нырөн лоны — мойдъясөн гажөдны олөм.  
Сөмын тай сёрмөдчи ёна — унмысь эг садьмы, кор колө.  
Лөсьөдчи енэжын овны, сөмын ме вильді да уси.  
Босътчылі кыаөдз воны — кыаыс яналі, күсі.  
Ветлөдла ва дорөд, вөрөд — таляла изъяс да нитшъяс.  
Висьөм кө дзикөдз оз пөрөд — эска на, шудлун мен вичмас.

## ЛЬОМ Ю

Сись кодь мича пожөмъяс Льөм ю бокин олөны.  
Татчө төвнас, гожөмнас уна вөйтыр волөны.  
Мудзяссө да шөгьяссө пожөмъясө өшлөны,  
водзө олөм могьяссө тані найө чөжөны.  
Сёрнитөны пожөмъяс меліа да лөсьыда:  
«Олөм-вылөм позьё на ёна бурөс лөсьөдны!»  
Пожөмъяслөн лов шыысь, пожөмъяслөн сёрниысь  
радейтчөмъяс ловзьёны, вошалөны дзор сіяс.

## СЬӨЛӨМ ДОЙ

Восьлалө олөмыс водзө и водзө,  
во бөрся котөртө гагаджык во.  
Кыаыс өтмоз жө югыда сотчө.  
Радейтчөм ковтөмөн некор оз ло.

Сөмын тай регыд зэв кыаыс öзйө —  
кодзалөм енэжыс кодзулөн тыр.  
Сөмын тай пөрысьмөм вөтөдны көсйө.  
Мед жө көть сьөлөмысь муслун оз быр.

Радейта важ моз жө кыалысь сотчөм,  
радейта сьөлөмсянь кодзула вой.  
Радейта пукыштны тэкөд ме орччөн,  
шудой тэ менам да сьөлөмлөн дой.

Радейта важ моз жө видзөдны синмад,  
өтлаын сёрниттөг коллявны лун.  
Радейта шулывны нывдырся нимнад.  
Нывдырся мичлуныд некор оз вун.

Шондйыс радейтө шонтыны мусө,  
радейтчөм песталө сьөлөмын би.  
Мыйла нө, мыйла нө кыаыс кусө,  
мыйла нө, мыйла нө пөрысьмам ми?!

## КОММУНИСТЬЯС

Асья шондйыс лым вывті котөртө —  
уджө босьтчытөдз вөчө зарядка;  
став лун югыдсө ас гөгөр котөртө,  
войся пемыдсө му бердө копыртө,  
бөрийө лэбзян площадка.

Асья шондіыс тэрмасьö суөдны  
миян уджъясын водзмөстчысь мортөс,  
кодi вермө ас бөрсяыс нуөдны,  
коммунистөн став йөз кодөс шуоны —  
ставлысь медся бур ёртөс.

Вына пожөмьяс пармаын ружтöны,  
асья кыалы пөрöны паныд.  
Лымсö тракторъяс дугдывтөг юждöны...  
выль геройяс бур славаөн чужöны  
уджыв бушколын тани.

Карын, сиктяясын керкаяс тэчöны,  
атом көртавны дорöны домөд,  
лыдтөм уна машинаяс лэдзöны;  
коммунистьяс, кызд вермöны, вөчöны  
йөзөс шудаөн, томөн.

Джуджыд шахтаяс биясөн тырöны,  
гөрд звезда быд копёр вылын öзйö;  
из шом пластö комбайнъясөн пырöны  
да пөрөдасө взрывъясөн кырöны  
бур вожакъясыс йөзлөн.

Нефть да газ, көрт руда муысь босьтöны  
(и оз кутны ни ваяс, ни изъяс),  
паськыд нюръяс, лёк зыбучьяс косьтöны,  
Выль плотинаа мореяс восьтöны  
миян йөз — коммунистьяс.

Югыд шондіыс лым вылысь качөдчис,  
паськыд енэжын вахтасö нуө.  
Сылөн югыдыс быдлаө паськөдчис.  
Став му пасьяыс быдөнкөд асмөдчис  
коммунистьяслөн шуөм.

## НИМЛУН

Став йӧзлы ӧткодь ыджыд гажа нимлун —  
Сӧветскӧй властьлӧн арся чужан лун.  
И сьыланкывным миян юргӧ гимнӧн —  
бур праздник тайӧ некор дзик оз вун.

Ярӱюгыд кыа ӧзйӧ му шар вылын,  
и регыд воас шондӧ петан кад.  
Странаын миян кылӧ лов шы сьылӧн,  
да дзоридзалӧ коммунизмлӧн сад.

Народ-садовник быдтӧр вӧчны кужӧ:  
ас киӧ босьтӧ атом пытшкысь вын;  
ракета сьылӧн космос вомӧн вуджӧ  
и сьӧрсъыс нуӧ мирнӧй уджлысь тшын.

Войналы паньид сувтам талун повтӧг,  
выль спутникъясӧн гижам: «Мирлы — мир!»  
Мед мирнӧй олӧмыслӧн нэмыс лоас помтӧм,  
мед некор оз нин киссьыв мортлӧн вир.

Правительство и партия народкӧд  
пыр ӧтик туйын — быттӧ куйм вок.  
А вок кӧ воклысь вынсӧ-сямсӧ содтӧ —  
сэк налӧн могмас, кутшӧм колӧ, мог.

## ӦТИ ЛОЛӦН

Москвалысь лов шы весиг кылам танӧ,  
и радлун ӧнӧ сьӧлӧмӧ оз тӧр.  
Сӧветскӧй улича — дзик Мавзолейлы паньид,  
а Коммунистическӧйсянь — аддзам Кремльлысь шӧр.

Кор олөм бур да матын пельпом друглөн,  
быд асывводзын выль ног садьмө морт,  
выль синмөн аддзё ывлаыслысь югдём,  
и мичлун тыртё сылысь олан горт.

Коть важкодъыс на чизыр татчөс вой төв,  
коть мулөн морөс уналаті кын,  
бур озырлунөн войвыв муыс ойдө,  
из гөра чегмөн мортлы сюрө вын.

Веж парма асьыс вильмөдалө паськөм —  
көрт трубаясөн вурлө нюр да сьөрт.  
Би югөр войын ворсө енэж пасьта  
да туйяс пөлөн каттьө асьыс шөрт.

Москвакөд лолалөны өти лолөн  
и кар, и сикт, и вөр, и тундра эрд.  
Зэв ыджыд шуд — бур другкөд өтув олөм.  
И шудыс тайө нэмсө олас мед.

### ЗАРНИ ПАС

Пыкөмаось енэж — джуджыд гөраяс,  
мораяслөн абу — пом ни дор.  
Көдза муяс — мича сера дөраяс.  
Сынөд суктө — гажа уджлөн гор.

Ставыс тайө мян, ставыс асланым —  
паськыд му и гыа море выв.  
Олөм туй визь өти ногөн пасьялам,  
коть и абу ставлөн өткоды кыв.

Радейтігтыр бурдөдалам сьөлөмьяс,  
дөзьөрिताм кагаяслысь лов;  
юклам йөзлы өтмоз шудлысь шөрөмьяс.  
Увтыртөмысь ловья морт оз пов.

Кутшөм колө паськөм, талун пасьталам,  
Кытчө колө, мунам — туйыс ас.  
Медся ыджыд озырлунөн арталам  
йөз кост дружба вылө зарни пас.

## ДРУГЬЯС

Майбыр олөм! Ставыс ас йөз.  
Менам другьяс эмось тырыс.  
Кодкө чужан лунтө пасьяс,  
Кодкө рытйысьыштны пырас...

Эм Москваын, роч йөз пөвстын  
Медся ыджыд другй — Виктор —  
Менам шудлысь кодзув өзтысь,  
Менам медся югыд битор.

Друг грузин, Лордкипанидзе,  
Меным вөзйивлө Тбилиси:  
Керка өдзөс восьсөн видзө,  
Мыччө отсөг вылө кисө.

А казах Ахмет мен шуө:  
«Шоныд зэв Алма-Атаын;  
Пөрысь кежлад татчөс муө  
Рөднад-вужнад локтй ставөн».

Эг нин օтчыд чօскыд вина  
Молдаванечьяскօд юлы.  
Врач эстонец кужысь кинас  
Менсьым рана бура вурліс.

Ме латышкօд кыйлі чери,  
А литовец дорччис мекօд.  
Тшыг и сёян юклім шօри,  
Лёктор мен эз вօчлы некод.

Коркօ ме и Фрунзе карын  
Овлі збой киргизьяс дорын.  
Менօ гօститны быд арын  
Другьяс օнօдз дасьօсь корны.

Друг Курбан эм Душанбеын —  
Йօзлы сьօлօмсяньыс сьылօ.  
Уна во нин менам пельын  
Олօ муса гօлօс сылօн.

Белорусօн шуа внукօс.  
Украинка-внучка быдмօ.  
Минскын, Киевын эм другьяс —  
Частօ нянь-сов налысь видла.

Став Союзын миян олօм  
Откодъ шудօн օні тыра.  
Мед кօть кытчօ лоас волօм,  
Повтօг быдлаօ тэ пыран.

Ереванысь кօть Бакуысь,  
Ашхабадысь кօть Ташкентысь  
(Локтан кօть тэ мутօм-муысь) —  
Сюрас другыд тэныд сэтысь.

Мед жö внучкалөн и внуклөн  
Нöшта ёнмас дружба кытшыс.  
Мед жö миян чужан мулөн  
Нöшта содас югид мичыс.



Тувсов луныс сьёлём пиö  
Меным пырö югид шорөн.  
Лун төв кутлö небыд киён,  
Локтö шудöй дзоридз сорөн.

Лöзов енэж лунтыр восьса,  
Шондi ветлö аслас йөрöд.  
Кöть тэ кодарö эн восьлав —  
Быдладорын трактор гөрö.

Гым кө ылалöмөн волас,  
Киссяс сийö шоныд ваён.  
Сöмын паськыд чардби бордьяс  
Öшйыласны керöс сайö.

Сувта Эжва кыркöтш йылö  
Паныд гырысь войта зэрлы.  
Ог и тöдлы — лолöй сьылö,  
И оз бергöдчыссьы бөрвыв.

Бытьö чужи öнi выльысь,  
Бытьö водзынöсь на туйяс;  
Аддза медводдзаясь ылысь  
Тöдтöм аддзывлытöм муяс.

Тулыс, тулыс, ыджыд аттьö!  
Ловзя ме быд ловъя ловкöд.  
Аттьö, мый тэ локтін татчö  
Да он лөгав миян воккöд.



Визув ю дорын бара пукала,  
Ваас кётöда ассыйм кокъясöс,  
Шондi кöчьясөн ставыс югъялö —  
Косьтö-бырöдö менсьым шогъясöс.

Менам томлунöй ылын кылалö,  
Регыд воас нин паськыд мореöдз;  
Меным петкöдчö рытъя кызöн,  
Кокныыд төвруөн волö морösöдз.

Кöть и ыршасьла сылань котöртны,  
Кöть и окота кутны сойöдыс,  
Оз тай удайтчы некыз мортыдлы  
Овны том кадтö мöдысь-коймöдысь.

Сöмын шогавны меным та вöсна  
Абу лöсьыд ни абу колана.  
Шуа томъяслы, шуа ставныслы:  
Öти олөмөн тiкöд ола на.



Бур урожайлы сиом кось  
Быд во ми ставон нуам пося.  
И тодам: мод ногон оз позь —  
Бур олём ас кежас оз лөсяв.

Комбайн оз сулав лун ни вой,  
Комбайнер быттьо домна пестысь,  
Коть сийо би чужьяс оз кой,  
Но бура шойччывны оз эштыв.

Кор няньыд пызан вылад эм,  
Сэк мортлөн сьолём вылас долыд,  
Коть отнас нянь оз джудждод нэм,  
Куш няньон коть оз пот на лолыд.

Но лоас тодса няньлөн дон —  
Збыль ковмылас ко пыкны тшыглун.  
Эн шыблась нянь торьясон, зон!  
Нянь дорысь лов шы кыло сиктлөн.



Шонди югор пио тулыс  
Ставсо дзикод войтис.  
Вына муо бара сюрис  
Унмысь садьмом койдыс.

Шоныд товру ыбод ветло,  
Кокныид зэрон ворсо.  
Муыс петасьяссо вотло,  
Сето налы ловсо.

Петас быдмө лунысь лунö,  
Вежöd паськөм пөрччö,  
Быттьö гыяс вывтi мунö —  
Шепта юрнас öвтчö.

Шобдi мулөн кыпыд лов шы  
Ыбсянь ылөдз кылö.  
Көнi кутшөм олөм овсьö,  
Муыс талун сьылö.

## РЫТ

Рыт биа изйөн кыа дорö кучкис,  
и кодзувъясөн тырис енэж шөр.  
Лун төлыс öткөн довъялөмысь мудзис,  
и весиг турун сi мында оз вөр.

Рыт ышловзис, и öзйис эзысь төлысь,  
ю шөрөдз уси югыд шөрта тыв.  
Лөз руа паськөм паськөмалiс вöрыс,  
йöз сьөлөмъясын чужтiс сьыланкыв.

Быд воськов бöрын мусаджык бур рытыс.  
Дзик некор сьлөн мичлуныс оз вун.  
Пыр ёнджык содö шудаяслөн лыдыс,  
и аддзан найöс, кытчö көть он мун.

## КАЗЬТЫЛӨМ

Ми ветлөдлім — ньөжйөник восьлалім тэкөд.  
Водз асылын ю дорысь шойччанін аддзим.  
Кызд торйөдны юсө да берегсө сьөкыд,  
сідз тэкөд ми мучитчим — торйөдчим надзөн.

Ю визулыс миянлы лолавны сетіс,  
ми дзоридза видз вылын дзоридзөн ворсім.  
Мед сьөлөмө колис, мый сьөлөмө шедіс —  
пось муслун ми өтвылысь быдлаысь корсим.

Көть войтыштіс асылыс, визувтіс рытыс,  
көть юыслөн весигтө пасьтаыс мөд нин,  
көть ёна нин содөма войтырлөн лыдыс,  
но радейтысь сьөлөмъяс тайөс оз төдны.

Пыр важкодьось мичлун и мелілун быттьө,  
пыр дзоридзөн ышнясьө быд лунья олөм;  
и муслунным миян, мен кажитчө, быдмө,  
а пөрысьлун миянысь, тыдалө, полө.

## ТОМЛУН

Сиктсө кутө пельпом вылас Эжва —  
джуджыд кырсө мыськавны оз мудз.  
Кор көть гортө туй вылысь ог кежав —  
синмөн ставсө сывйыштны ог судз.

Лөзөн өзйө помтөм джуджыд енэж,  
руө дзугсьө море пасьта эрд.

Гортлысь мич эг гөгөрволы онөдз,  
пыр коть вөлі вөрзье сьолөм берд.

Бара тани. Меным паныд — челядь,  
изъяс вывті быттьө югыд шор.  
Вөрзөдчывтөг кывза найос чөла,  
кызди шорлөн нитшкось берег дор.

Отик зонка шыасьө мен сюся:  
«Чолөм тэныд! Он мой менө төд?»  
Кажитчө — ме чөскыд унмөн узя,  
кажитчө — ме аддза лөсьыд вөт.

Аслым паныд сулала ме ачим:  
менама чужөм, юрси, пель и син...  
Челядь кадос, виччысьтөг ме аддзи —  
торйөдчыны абу менама вын.

Зонсө төлөн төвзьеодоны кокъяс,  
дзевө сийос ошкэмөшка борд.  
Мед жө нөшта отчыдысь коть локлас  
менама синма, менама пеля морт.

Они төда, мыйла чужан гортын  
медся мича энэж, гажа эрд:  
менама томлун ветлө сэни подөн,  
ме кодь кодкө бара быдмө мөд.

## ТУЛЫС

Кызд пу чурка чургөдөма корьяс:  
тулыс весиг сылы сетис лов.  
Шоныд ывла аддзөдчыны корас —  
радпыр петан, керкаад он ов.

Уна тулыс котөртліс нин мекөд,  
сөмын татшөм бурыс эз на вөв.  
Весиг воськов вөчны меным некыт,  
ог кө тальышт кокөн дзоридз шөвк.

Керөс дорлань, ытва тыра юлань  
кыскө менө — пыксыны ог куж.  
Весиг лов шы кылө шоныд мулөн,  
мунан туйой помасьлытөм кузь.



Менам мөвплөн сартассялөм росьяс  
чышкалөны вежөр өшинь ув.  
Көсийөмяслөн ордымьясыс восьса,  
радейтөмлөн сьөлөмыс эз кув.

Шонді менө ывла вылө корө,  
төлысь торкө менсьым рытъя ун.  
Паськыд вөр-ва дінас менө дорө,  
ветлан туйой содө лунысь-лун.

Путкыляла висьөмяслысь изьяс,  
нетшка вужнас гажтөмлунлысь пинь.  
Чукөртала серпасьяслы визьяс,  
ссыланкывлы корся югыд кинь.

Көсья ассьым радлун юкны йөзкөд,  
көсья, мыйта верма, вөчны бур.  
Дась ме овны енэж сайса лөзкөд —  
мичлуныс кө мөдлаысь оз сюр.



Кымөр тывйö веськалöма шондi.  
Везьясьсöма муöдз зэрлөн шöрт.  
Верми кö ме, джуджыд енэж дзоньтi,  
арыс медым синваён эз бöрд.

Верми кö ме, югыд шондi мездi,  
кымөрьяссö дзыкöдз вöтлi тась —  
Бур поводдя лöсьöдавны йöзлы  
лун и вой ме вöлi эськö дась.

Ывла вылö петi, бипур пестi.  
Мöдтор вöчны вын ни сям эз шед.  
Гудыр кымөр öшöдчис ме весьтö,  
бипур дорын пукавны эз сет.

Серам могысь тöv ныр ворсö мекöд,  
чышкö мелань ёг да кызд пу кор.  
Кöть и арын овны абу сьöкыд —  
сьöлөм сöмын сувтö тулыс дор.



Вөрьяс сайысь кыпалö тöлысь рытьядор —  
öдвa-öдвa тыдалö сöмын ичöттор.  
Жугалöма тöлысьыс — пуксьыны оз позь.  
Лöсьöдасны — вöлисти лэбзям асывводз.  
Чукöртасны торьяссö войнас ныв да зон,  
пузьöдасны дорьяссö — тöлысь лоас ён:  
Пуксьöмысь оз пöлынтьчы, чеччыштан — оз пот.  
Сэки лэбзям тöлысьлань — вуджам енэж от.



Регыд узян тэ, гожся шондіой,  
Он и кусодлы сотчысь кыатö.  
Муртсысь тыдовтчас сьолöм шонтысьой,  
Тэ нин вөр сайсянь мыччан киястö.

Муса ныв менам тэысь яндысьö,  
уджын тэ бөрся көсийö вöтчыны.  
Сьолöм дойдалöм — сыкөд аддзысьлöм,  
Тэ көть, шондіой, сёрмышт öтчыдысь.

Сет мен öзтыны югыд муслунöс,  
нывлы сьолöмас пырны нэм кежлас.  
Медым радейтчöм олас куслытöг,  
быдмас шуд менам паськыд енэжөдз.

Узян дженъыда, гожся шондіой,  
он и кусодлы сотчысь кыатö.  
Эн на тэрмөдлы сьолöм шонтысьöс —  
эн на мыччав тэ югыд киястö.

## КОРÖМ

Енмöй, пукты мича нывлы сьолöм пиас додь тыр муслун —  
медым дзоридзалас ывла, тувсов шондйыс оз куслы.  
Енмöй, менам сьолöм бердö көртав сьолöмсö бур нывлысь —  
шудлысь туйсö мелань бергöд, олан мусö выльмöд выльысь.  
Енмöй, менö верöс пыдди нывлы сьолöмсяньыд вöзйы.  
Вöч — мед менö пуктас пыдди, петны мöд сайö оз көсийысь.

## ОШ

Ветлө паськыд мышка ош пемыд вөрөд, раскөд.  
Сылөн некор туй оз вош, сылы оз ков паськөм.  
Көть и олөм сылөн бур, ошкыд кольө ошкөн.  
Джуджыд яг да паськыд нюр сійө сөмын ошкө.  
Вөрысь петан туй оз корсь — йөзысь сійө полө.  
Мортөс ошкыны оз позь — морт кө ош моз олө.

## ЮӨР

Пөсь сьөлөм уси бытьө көдзыд ваө,  
и сюрса лыйи из улын моз доймис...  
Кызд сөмын пошта татшөм юөр вайө,  
кор сэтшөм ичөт маркаыслөн доныс!

Көть позьө вөлі письмөбыслы вошны,  
но вошөм пыдди аддзис менсьым гортөс.  
Эз ков конвертсө меным эськө восьтны,  
но локтысь юөр веніс дзоля мортөс.

И бөрда ме — бур друглөн сувтіс сьөлөм,  
и сөстөм сынөд — сылы ковтөмтор нин...  
Гөрд синва войтьяс гылөдөны чөла  
лөнь пельсь пуяс менам керка дорын.

## ВОДЗ НА КУВНЫ

Эз на артмы сэтшөм сёныс, көні эштас менам вензьом;  
эз на быдмы сэтшөм зонмыс, кодї кулөм пасьяс менсьым.  
Эз на сөвмы сійө пуыс, кытысь меным горт пөв артмас.  
Оз на тыдав сійө туйыс, көні смертьыс менө гартас.  
Эз на пуны сэтшөм вина — менө казьтігмоз мед юны.  
Эз на лосьодны мэшина — медым менсьым гортйос нуны.  
Абу печкөма на шөртсө — медым гортвыв дөра кыны.  
Абу аддзөма на көртсө — медым гу дор потшөс йитны.  
Уна кок туй на ме коля, уна көм-паськөм на кисьта.  
Кытчө дөзмөдчыны вола — оз на некод өні висьтав.  
Мыйта верма, буртор вөча: содтөд садитала пуяс,  
йөзкөд өтув гөра-й көдза... Ог на тэрмась пырны муас.

## ГУАЛІГӨН

*В. В. Поляковлы*

Пыр котөртыштін — чайтін, уджыд пышъяс.  
Кык уджач мортөс вежны вөлін дась.  
Но аслад уджөн йөз водзын эн ышнясь,  
эн пасьтав вылад дона көм ни пась.

Пось чардби корсин тэ картина вылө,  
быд вирдыштөмысь босьтін югыд мич.  
Шог ойдөдліс, но тэнсьыд шуд эз кылөд.  
Тэ некор асьтө дзебасын эн видз.

Збой челядь кокөн котөртисны вояс,  
лым чирйөн вевттис дзорлун тэнсьыд юр.  
Эн мөвпышты, мый сувтов вөчны ковмас,  
мый коркө ломтас сьөлөмлы оз сюр.

Пыр котөртыштін — чайтін, пышъяс уджыд...  
А уджлөн эз вöv некөн пом ни дор.  
Тэ куйлан — быттьö вивті ёна мудзин,  
и йöзö петны быттьö зэв нин сёр.

Ун босьтіс аслас небыд сывйö тэнö.  
Садь сетны öні некод оз нин куж.  
Горш гөррдзассьö, да синва менö венö,  
пось сьöлөм пытшкын быдмö шоглөн вуж.

Он некор сэсся восьтылы менсьым öдзöс,  
он югдöд нюмнад ассъыд чужöмбан;  
он пасйы ловнад менсьым кывбур тэчас  
и мелі сёрни мекöд он нин пан.

Ас вылö кисьта чорыд изъя кывъяс:  
лёк мортлы мен эз тырмы кужанлун —  
мед менö эськö дона другöй кывзис  
да сьöкыд туйöд шойччытöг эз мун...

Мый төлкыс асьтö ыджыд другөн шуны,  
он куж кö сетны ловъяислы лов.  
Он ловзьöд ни он сувтöд водзö мунны.  
Весь сёрни тайö — другыдлы оз ков.



Зэв ыджыд кыз ю вомөн куйліс,  
Кыз улын гартчис сьöдов ваис.  
Мог сзті вуджны менö суис,  
И сьöлөм менам горшö кайис.

Но вöчи вoськов — вені полöм,  
И визув ваö инмысь йывсянь  
Пыр водзö менö вöтліс колöм,  
А вужйыс кыдзлөн корис вывсянь.

Кöть пола, тувчча зумыд кокөн.  
Ме улын ваыс пыр на джуджыд.  
Тадз вуджа мöдлапöлö мөгөн —  
Сэн эрдыс паськыд, эрдыс югыд.

Но воис кад бöр вуджны юсö.  
Кыдз вужйыс увлань менö вöтліс.  
Эз вöв мөн поскыс тайö муса:  
Код чöрт тат меысь кындзи ветліс!

Ме вoськов вöчны весиг пола —  
Кыдз пуыс кажитчö зэв вильыд.  
Но мунны сэтчö, кöні олан,  
Быть мун, кöть туйыд абу шыльыд.

Ог яндысь — пукси кыдз пу вылö  
Да пуксөн мöдi вуджны юсö:  
Мед ог кöть усь, да ва оз кылöд —  
Кок вöзйысис на тальны мусö.



Гым кымöр быттьö воши туйысь  
Да сувтіс мян керка весьтö.  
Став ывла вылыс биөн пузис,  
Но меным тайö вöлі веськодь.

Лөз сынөд потлө куим пельө,  
Кор чардби сюръяясөн өзъяс,  
Но лөня олө керка пельөс,  
И керка вевтсө төв оз вөрзёд.

Ме кыла ёшинь стеклө ворсөм  
Да матыс зэрлысь шурыд кок шы.  
Мен гымлөн төдса гора горзөм,  
Но сійө мен эз вөчлыв лёксө.

Гым улын песөм сынөд чөскыд —  
Мый верма, нылала ме сійөс.  
Сьөд кымөр восьлалө юр весьтөд —  
Дзик ставнас косясьлөма сырйөдз.

Ме нюм пыр видзөдла да шуа:  
«Эн скөрав весьшөрө, эн мурзы!  
Вай, бурджык, лэччы татчө муас  
Да аслад биа ньөвйөн вурсьы».

Скөр кымөр воськов вөчө водзө,  
Оз шыась, ме вылө оз видзөд.  
Но регыд енэж боковыс вощьө —  
Зэр киссьө муө визьён-визьён.

Ме ог нин ышнясь кымөр водзын —  
Мен ывла эрдыс муса, дона.  
Зэр васө чужөм вылө соддзөн  
Дыр кояла да мыссия ёна.

Пуксям, юыштам — талун өд праздник.  
 Ошкамөшкасө юкталам тшөтш.  
 Гажлысь гөрөдъяс велөдчам разыны.  
 Быдөн гажөдчө — нинөм он вөч!

Пуксям, юыштам — чужан лун пасьям,  
 Визув олөмлысь мурталам ва.  
 Кынөм — пөт. Эм на выланым паськөм.  
 Ютөм олөмыд абу жө ма.

Пуксям, юыштам — гөтырөй висьө,  
 Пасьөс, кепысьөс сөйөма воз.  
 Коді ме дор, мед кыпөдас кисө —  
 Сыкөд шөрипов бырөдам доз.

Пуксям, юыштам — нажөтка пасьям.  
 Бригадирлы бур шуд да кузь нэм!  
 Веськодь кыаыс — рытъя көть асья,  
 Сөмын медтыкө винатор эм.

Сулышт, друганөй, тыртчыштам, тыртчам.  
 Гартчас ми вөсна муыс — эн пов!  
 Пыр кө пөсявмөн удж вылын мырсян —  
 Оз мөй коркө и шойччыштны ков?

Тырыс праздник, и чужан лун уна...  
 Сэсся кодзувьяс усьөны пыр...  
 Нөшта төдсаыд локтө да мунө...  
 Майбыр, помкаыд өшинь ув тыр.

Юам, юыштам — гортын көть йөзын.  
 Тыртчам, тыртчыштам — өтдор көть ас.  
 Асьным бытьөкө сьөлөмсянь көсьям  
 Тадзик олөмас пуктыны пас.

Он и төдлы, кор визулыд визув,  
Гартас, песталас — морт абу морт.  
Кыла: «Колө кө тэныд, тэ видзав.  
Сөмын йөзыслысь гажсө эн торк!

Он мөй төд — талун, збыльысь өд, праздник  
Да и гөтырлөн чужан лун тшөтш...»  
Мортлы видзөдлі синмас да аддзи:  
Лоас юыштны — нинөм он вөч.

### ЗОН КОРӨ НЫЛӨС

Зон воис татчө — войвыв муө —  
Да муса нывсө дінас корө.  
Быд пошта сылысь юөр нуө  
Печора дорсянь Днепр ю дорө.

«Ме бара гига тэныд письмө  
Да кора ас дорө тшөтш овны.  
Он төд тэ, кызди мырпом кисьмө  
Да кутшөм сэки кокныд ловлы.

Быд асывводзын виль ног садьмө  
Веж тундра, виль ног лов шы сетө.  
Көть лунысь лунө шонді надзмө,  
Бур серпас быдладорсянь петө.

Ва войт кодь сөдз лөз енэж таскыс,  
Сук карлик кызьяс гөрдов-вижөсь.  
То кайө ру көр сюръяс раскысь,  
То гөгөр ошкамөшка визьяс.

Тан море аслыс ногөн гызьö,  
Стрөг синмөн корö локны дiнас,  
Бур сьыланкывъяс мортлысь кывзö  
Да ружтигтырйи жуглö йиас.

Зэв улöдз öшöдчывлö енэж —  
Кöть кутчысь кодзувъясас кинад.  
Кор ассьыс паськöм муыс вежö,  
Выль лолөн лолалö став сынöд.

Сэзь войяс öзйöны сё рöмөн.  
Кык воськов вöч — и пыран мойдö...  
То ывла рöдтö зарни вөлөн,  
То лэбзьö эзысь корадоддьөн.

Но медся бурыс, медся мичыс  
Йöз сьөлöм пыын öнi олö.  
Морт морткöд ловнас весиг йитчö  
И аддзö ставсö, мый тась колö.

Он мицсö весит вески вылын,  
Он муртав ведраясөн бурсö.  
Но эскы меным, муса нылöй,  
Тан олём топыдджыка вурсьö.

Со талун бара ыджыд шудлун:  
Му пытшкыс гора сьылö микöд;  
Ми ставён öта-мöдöс кутлам —  
Зэв лöсьыд сьөлöм вылын, нимкодь.

Фонтаныс нефтьлөн енэж пыкö,  
И милань шондi постөг лэччö.  
Став тундра эрдыс тырö зыкөн.  
Тадз танi овывлö оз öтчид.

Лок татчө, менам муса нылөй.  
Тэд шуд и мич, и гажлун сюрө.  
Көть уна йөз, но өтик кылөн  
Став мөвпыс пырө мян юрө.

Ми шуам: дружба — йөзкост дружба!  
Быд мортлы төдса тайө кылыс.  
Став бурсө сийө мян чужтас,  
И сыкөд шудлун лоас тырыс.

Быд мусянь локтөмабсь зоньяс.  
Быд зон тэд вокөн вермас лоны.  
Став нылыс, колө кө, бур чойяс.  
Тан лоас гажа тэныд овны.

Лэб татчө, менам муса нылөй,  
Лэб мича юсьяс чужанинө.  
Зон сьөлөм менам бура кылө,  
Мый аддза тэнө аслам синмөн».

### **МЕ КЫВБУР ГИЖА**

Ме кывбур гижа. Менам вокөй гөрө.  
И уджйөз некыдз мынтыны ог куж.  
Став вынысь песся, мед не кольны бөрө.  
Ас думысь вөча зэв жө колан удж.

Ме завидьта бур завидьтөмөн йөзлы,  
Комбайнөн кодъяс идралөны сю.  
Маяк моз талун слава налөн өзйө.  
Тшөтш восьлала, а найөс ме ог су.

Кыдз кужа, ссыла налысь колан уджсö  
И чайта, сыысь налы оз ло лёк.  
Пöсь кыв кө сюрас, гашкö, чинта мудзсö,  
И аттьöалас менö дона вок.

## ТУЙДОР ИЗ

Туй вöли важ. Ми сійö туйöд ветлім.  
Но орччөн туйкöд куйліс сьöкыд из.  
Кöть кымынысь эг прöйдитлöй сы бердті,  
пыр вöчліс сійö мортлы рана визь.

То коктö либö китö сійö дойдас...  
И чайтлім, сыысь он нин некор мын.  
Кöть дöзмöдіс нин сійö уна мортöс,  
но вештыштны эз тырмы миян вын.

Пыр видчам ми и доймалам пыр важ моз,  
кыдз позьö сöмын, изсö ёрам пыр.  
А сійö куйлö: паськыд, нитшка, лажмös...  
И куйліс эськö нöшта зев на дыр.

Но öтчыд кодкö локтіс сэтчö зырийөн,  
сы бөрся мөд... И лöсьöдісны гу.  
Из луткыльтчис гу шөрö — быттьö жырийö.  
А вылас нöшта шыблалісны му.

Туй лоис бур. И ветлөдлам ми повтöг:  
ни кок, ни ки оз ранитчыны сэн.  
Ми тöдам, дерт — лёк морткöд тадз жö овлö:  
кöть кутшöм ён, но артельöс оз вен.

## СЬЫЛАНКЫВЪЯС

---

### МЕД ЗАВИДЪТӨНҮ

Посёлок садьмө, тшыналө, йөз ветлысь зэв на шоч.  
Вөр кыскыны машинаөн ме кая водза-водз.  
Гөрд кепыся, гөрд чышъяна, лөз паськөма любов  
лым зыртөма, лым чышкөма — туй корсьны мен оз ков.  
Сюсь синмөн синмө видзөдлас да шуас мелі кыв —  
став олөм-вылөм мичмөдас бур сьөлөма том ныв.  
Вой пемыдыс, лун югыдыс мен сэки өткодь бур.  
Мед завидьтөны мукөдыс — мөд татшөм ныв оз сюр.  
Гөрд кепыся, гөрд чышъяна, лөз паськөма любов  
лым зыртөма, лым чышкөма — туй корсьны мен оз ков.

### ВИЧЧЫСЯ

Гөгөра уялө, горзө, морөснас поткөдө ю.  
Радейтысь зон менө корсьө — ветлөдлө, кытшовтө му.  
Кытөні, мусаөй, ветлан — весьшөрө песан тэ кок?  
Виччыся, надейтча век на — он-ө тэ миянө лок.  
Өтнам ме кузя нин ола, абу нин важкодъыд том.  
Талун ме ёна нин пола — эддзан-ө туйяслысь пом?  
Югьялө, югьялө, ворсө ывла, и енэж, и ю.  
Мусаөй өдзөсөс восьтө, сулалө, нинөм оз шу.

## ЧӨЛАН

Чөлан, чөлан, кытчө мунан, чөлан, кытчө гөгыльтчан?  
Миян сиктын ныв-зон уна — чөланасьны сгөдитчан.  
Чөлан, коді вундіс тэнө, коді тэнө мольөдіс,—  
Сійө зонмыс төрыт менө бара гортөдз колльөдіс.  
Чөлан чөланасьны туйө сөмын ёна потласьтөдз.  
Муса нылөн нывсө шуө зонмыс сөмын гөтрасьтөдз.

## ПЫРАВ МЕ ОРДӨ

Юыс скөралө, юыс бергалө, руөн тырөма джуджыд сөн.  
Пырав рыт помын, пырав керкаө, пырав, пырыштлы, муса зон.  
Тэтөг тані ме, тэтөг важөн нин өтнам бырөда ассьым шог.  
Коркө радейтлін, коркө гажөдлін, коркө пыравны корсьлін мог.  
Көдзим көдзаяс, көдзим өтвылысь, көдзим, радейтім тулысбыд.  
Сэки шулывлін мен эн өтчыдысь — менө гөтырөн босьтны быть.  
Ставсө вунөдін, ставсө эновтін, весиг эновтін көдза йөр.  
Волы ме ордө, пукышт ме ордын, сет мен сьөлөмтө ассьыд бөр.

## ВЕСЬШӨРӨ

Весьшөрө ветлөдлан, зонмөй, весьшөрө вошалан кад —  
Сьөлөмсө нылыслысь дзоньнас аскөдыс нуис салдат.  
Весьшөрө надея кутан — нывлөн выль сьөлөм оз чуж.  
Төвлы көть паныдөн сувтан — паньтөдны сійөс он куж.  
Кокныда котөртө кадыс, сьөкыда восьлалө зон.  
Воис нин нывлөн салдатыс — сиктын медмича да ён.  
Гудөкөн шыалө рытыс. Сьөлөмыс ныв ордын бөр.  
Сөмын тай нылыдлы мырдысь сьөлөмас некод оз төр.

## ТӨКӨТӨ

Ньөжйөнник матыстчө вой, төкөтө кыаыс гөрд.  
Сьөлөмын кылыштө дөй — сөмын ме сыысь ог бөрд.  
Төкөтө дырджык эн пет, гуляйтны сөрөдз эн лок.  
Сьөлөмтө меным эн сет — сы понда гажтөм да лёк.  
Төкөтө визувтө ю, довъялө-төлалө төв.  
Мыйла нө нинөм он шу, мыйла нө сулалан чөв?  
Төкөтө топөдлан тэ, төкөтө сибдылас лов.  
Радейта сьөлөмсянь ме — тэ кындзи некод оз ков.

## ЭН ШОГАВ, НЫВ

Эн шогав, ныв, эн өшөд юртө, эн шу, мый мустөм көдзыд төв.  
Эн шогав, ныв, — быд рана бурдө, и тулыс волө уна пөв.  
Эн шогав, ныв, эн войтөд синва — бөр вошө тэнад сьөлөм дөй.  
Эн шогав, ныв, да босьтчы сьывны, и кольө бөрө төвся вой.  
Эн шогав, ныв, — быд бурыс водзын. Эм югыд шондө, гожся лун...  
Эн шогав, ныв, — босьт асьыд козин да аслад другыд дорө мун.

## РАДЕЙТӨМ

Перө пыдди — ловъя лолөй, кывъяс пыдди — сьөлөм висьөм.  
Тэкөд орччөн — шудөй олө, тэтөг — уджыс кийсь киссьө.  
Гезтөм гезйөн менө домин, лун шөр лунө вөчин синтөг.  
Көртысь асык морөс вомөн пуктін меным ловъя шытөг.  
Көсья туйө петны-мунны — туйыс помассьөма, пөдса.  
Көсья вунөдчыны унмын — аддза тэнсьыд войся вөттө.  
Пана төдсаяскөд сөрни — тэнад нимыд песө кылөс.  
Сөмын эновтчыны сөр нин, шуа: «Радейта ме нылөс.  
Сылөн сьылөм — помтөм вөр-ва; сылөн синмыс — асья кыа.  
Сылөн вом дор — өмидз көра; сылөн юрси — Эжва гыяс».

## ЗОНЛОН МУСЛУН

Оз ков, оз ков мен чөскыд сёян,  
оз ков мен уна новлан тор...  
Ме шуа нылос дона чойон —  
сы кындзи нинөмтор ог кор.

Оз ков мен озырлун ни слава,  
оз ков мен ыджыд оланін.  
Мед сөмын муса ныв оз саяв  
да муслун сьөлөмысь оз чин.

Мен нылыс — шонді, паськыд море,  
мен сійө — асья чөскыд ун.  
А сытөг олөм-вылөм орө,  
и весиг кусас югыд лун.

## МЫЙЛА ÖТИ

Гортысь сё туй менө нуө, гортө өтик вайөдө.  
Мича нылыс мян уна, менө өтик радейтө.  
Уна-уна гөлос кылө, өтик сөмын кажитчө.  
Муна нывъяс дорысь ылө — өтик понда гажтөмтча.  
Уна коз пу мян вөрын — өтик дорын сулавла.  
Мусукон да сьөлөмшөрөн өтик нылос шулывла.  
Мыйла өти, сөмын өти, мыйла муса өти ныв?  
Мыйла сөмын сійө ньөтчыд оз шу меным мелі кыв?



Юсьяслөн кыпөдчис стая, лэбзис — и енэжыс куш.  
Зонсө ме радейта тайос, висьтавны сөмын ог куж.  
Дыр-ө нө виччысьны тэнө, дыр-ө он паныдась, зон?  
Корсь талун ыб вылысь менө, висьтав мен, радейтан он?  
Радейтчөм — лэбалысь юсьяс. Радейтчөм — шондіа лун.  
Радейтчөм дөзьөрит сюся, радейтчөм дорйыны мун.  
Усьоны, усьоны корьяс. Рудөдө, рудөдө му.  
Муса кө зонмыдлы — корьяс. Абу кө — нинөм он шу.  
Шонді со вөр сайө дзевсис. Паськөдчө, паськөдчө вой.  
Кок улын корьясысь шебрас. Сьөлөмын пестысьө дой.

### ЛОКТИ БӨР

Поезд котөртис, поезд саялис, сиктыс сулалис — шы ни төв.  
Синмөй көтасис, синмөй яналис — дыр ме татөні эг нин вөв.  
Керка гөгөрным коркө садитлім муса нывкөд ми уна пу.  
Өта-мөднымос өна радейтлім, көсйим мичмөдны чужан му.  
Сад йөр чужөма, сад йөр быдмөма. Абу сад йөр нин — быдса вөр.  
Менам радейтөм абу бырөма. Муса сьөлөмшөр, локти бөр!  
Петав, мусаөй, мекөд пукыштам! Сөмын, тыдалө, морт оз пет:  
Өдзөс сиптыса, өдзөс крукыштөм — оло татөні кодкө мөд.

\* \* \*

Эг волев гортө уна во — ог төд, көн коді эм.  
Ме ветлі-муні, но эг вош — морт абу ичөт ем.

## ЗАРАВА

Заравала вөрө ветла — лесникавны радейта.  
Кудритомос пыр жө вөтла — кудриаон ладейта.  
Трактор гөра бокин гөрө — туй дор эжа жугөдө.  
Трактористос нула вөрө — зараваон юктөда.  
Регыд, регыд зарни төлысь кымөр улө гөгыльтчас.  
Регыд, регыд локта вөрысь — трактористкөд гөтрася.

# МОЙДЪЯС

---

## ДИЕӨ

Мыйыс свет вылас оз овлы! Мыйыс сөмын оз и артмыв!  
Тшыгөм дивуйтчөмысь ловлы, тшынас көсйө мөвпөс гартны...  
Эсканныд көть мен он эскөй, шондї насмөркаөн висьмис:  
несйөм бөрся кылө несйөм — сөмын дойдөмысь и виччысь.  
Өтчид несъяс — Эжва ойдас; мөдысь несъяс — буждас берег.  
Несъяс — чардби керка сотас, гөра-көдза жуглас шерөн.  
Йөз оз төдны, мый и вөчны, медым шондї бурдїс эськө.  
Гашкө, ыджид бипур тэчны сира пескысь шондї весьтө?..  
Сөмын гамса Чурка-Педөр — кырув мельничаысь изысь —  
шондї висьөм йылысь төдө, и лекарство сылөн вичмис.  
Мыйөн шондї лэптїс юрсө — пөжөн йөлөн сійөс мыськис,  
сэсса медся быгъя сурсө ыджид яндөваөн мыччис.  
Дугдїс несъялөмысь шондї, шуис аттьө төлка мортлы  
и быд гожөм Гамө пондїс кольны перө биа бордсьыс.

## ДОРЧЧЫСЬ ЛАСЬӨЙ

Коркө-некоркө — зэв важөн Гамө локтїс ачыс чөртис.  
Нимтїс асьсө ыджид нязьөн, йөзөс, мыйөн кужис, йөртїс.  
Керка сылөн өкмыс жыръя кырйив вөрө каянінын;  
Өшиньясын зарни сыръяс; олө өтнас — ныв ни пьян.

Кутас, тешитчас, кыздз кужас. Сылы серам — мортлы синва.  
Йөзлөн төдтөм-вөчтөм уджйөз оз и мынлы, оз и чинлы.  
Пуө вир, но мый тэ вөчан: сылөн выныс вывті уна...  
Курччө көрт тор, быттё сөчөн. Изйид киас — пусь-пасьмунё.  
Тшан кодь дозйөн ветлө вала, кер кодь пескөн ломтё пачсё.  
Сюран скөр вылысь — оз малав, дзикөдз вунөдан и асьтё.  
Өтчыд коркё арся лунё рочсянь воис дорччысь Ласьёй.  
Гамын вөла йөзыд уна — дорөдчыны ставён дасьёсь.  
Бөрйис оланінсё ачыс — вөр дор керкаё и пырис.  
Сэтысь сійё чөртөс аддзис, чөртсянь татшөм сёрни кыліс:  
«Видза олан, Ласьёй-дорччысь! Кысянь локтан, кытчө мунан?  
Важён-ө нин аслад гортысь? Он-ө көсйи сёйны-юны?»  
Ласьёй сылы вочавидзё: «Пессян-мырсян, сюра бөжа!  
Эн өд, көнкө, менё виччысь — ни эн пусьы, ни эн пөжась!»  
«Верма пөжавны и пуны, сөмын ваторсё мун пырт-а.  
Юкмөс дорас дозйыс уна. А ме пачсё пескөн тырта».  
Пач нин ломзис, регыд ваймас, а кузнечлөн абу дукуыс.  
«Кор нё сійё васё ваяс? Гашкё, эз сюр сылы юкмөс»,—  
видчө чөрт да ачыс петё. А кузнечыд ноксьё зырьён.  
«Мый нё эськё лоис тэкөд? Кор тэ ва дозьяссё тыртан?»  
Ласьёй вочавидзё: «Ставнас көсья юкмөссё ме пыртны;  
сэсса керкаад нин ванас кута дозмукьястё тыртны».  
Чөртыд чуймис: «Аттё дивё — кутшөм сюсь да вына мортыс!  
Лёкысь инмөдчан сы дінё — вөтлас весиг аслад гортысь».  
Босьтис ва доз, пыртис ачыс, а кузнеч сы бөрся тыртөг.  
Чөртыд серевик из аддзис, кинас чабыртис — торпыриг.  
Гора серөктис кузнечыд, восьтис туй выв нопсё асьыс,  
рысь сэсь ки пыдөсас тэчис, кабыртис, и кыис вазис.  
«Кутшөм чорыд кыис талөн! — чөртөс джагөдөны мөвпьяс.—  
Изйыс визувтё со ваён... Сюран кутны — кувтөдз мөрччас».  
Эз на сёйны, эз на юны. Ласей перйис кыськё карті.  
Чөрт эз удит кывсё шуны — «перебор» нин сылөн артмё.  
Унатор нин ворссис чөртыд, оз нин төд, мый вөчны сылы.  
Дась көть пинясьны, көть бөрдны, дась нин пышйыны тась ылё.  
«Энлы тэрмась,— шуё Ласьёй,— синтё кунь да лөсьөд плештё:  
карті колоданас дасысь кучка — ворссьөм сідзи вештан».

Мӧлӧтнас кузнечыд ковгӧ. Горзӧ чӧрт — вир синва лӧдзӧ.  
Корӧ — мед оз босътны ловсӧ. А кузнеч пыр ёнджык ӧддзӧ.  
Дыр-ӧ нӧшта муніс дорччӧм, некод сы йылысь оз висьтав.  
Сӧмын чӧртыд пышйис гортсыс, а бӧр локны эз нин лысьт тай...  
Ласьӧй кузнечаын дорччӧ. Чӧртыд дорччӧм шыысь полӧ.  
Ветлӧ ылі бокӧд, ёрччӧ. Некод оз тӧд, кӧні олӧ.

## ЁМА-БАБА

Коркӧ-некоркӧ — эзв важӧн ёма овмӧдчыліс татчӧ.  
Йӧнӧд дорӧд ветліс надзӧн, новліс шӧвк кодъ небыд платтӧ.  
Тӧдіс пӧрысьсӧс и томӧс, кужис пӧрйӧдлыны йӧзӧс.  
Бӧръяс вӧлі мича зонмӧс — асьсӧ радейтчыны вӧзъяс.  
Зон со гартчӧ ёма гӧгӧр, воштӧ асьыс вежӧрлунсӧ.  
Ёма муса, абу ӧтдор — кытчӧ корас, сэтчӧ мунсьӧ.  
Эштас том ныв-зонлӧн ворсӧм, асья унмӧн ставыс узьӧ.  
Он тӧд, коді талис борсӧ — еджыд бус кодъ лысва усьӧ.  
Оз нин тыдав зонлӧн кок туй... Ёма ӧтнас гортас мунӧ.  
Вежон мысти бара локтӧ, мӧджӧд йӧктӧ, мӧдӧс нуӧ.  
Кодкӧ висьмӧ, кодкӧ йӧймӧ — ставныс медся мича зонъяс.  
Некод мӧвпыштны оз слӧймы, коді мыжа таысь дзоньнас.  
Но салдат со воис сиктӧ — эштіс сылӧн сьӧкыд служба.  
Эз вӧв мича, эз вӧв мисьтӧм, тӧдліс уна тужа-нужа.  
Войын пуксис сьӧкыд мыр моз борйӧ, кыті ёма ветліс.  
Нюшкан табак тэчис нырас, несйис — гажтӧмлунсӧ вӧтліс.  
Ёма дивуйтчигтыр сувтіс да салдатлы шуис тадзи:  
«Будь здоров, салдат! Эн кувсьы... Мый нӧ эськӧ татысь аддзин?»  
«Аттӧ тэныд, ёма-баба! — воча шыасьсӧ салдатыд.—  
Аддзи, кызди кывтлан ва бӧр, кызди катлывлан ва катыд...»  
Эз салдатыд ышнясь вынӧн, чуньсӧ, весигтӧ, эз вӧрзьӧд,  
Сӧмын содтіс: «Меысь мынан — он кӧ менӧ ёна скӧрмӧд.  
Вайӧд вежӧр вылӧ найӧс, кодъяс гуляйтисны тэкӧд.  
Он кӧ вӧч тэ бурӧн тайӧс — ковмас рытйысьыштны мекӧд».

Муртса серөктыштис ёма, сэсся паськыд тыё пөри.  
Вуджны тысё пыжөн ковмас, он кө ылыс туй пом бөрйы.  
Тыас уськөдчис салдатыд, мөдiс нөйтны льём пу беддён.  
Тыыс быри. Ёни матын ёма лэбалiс нин лөддзён.  
То салдатлысь курччө нырсө, то ёсь шыён пырө синмас...  
Но эз ковмы ыджыд мырсём — сюри лөдз салдатлы киас.  
Уна рыт салдат да ёма аддзысьлисны ва дор борйын.  
Но салдат эз ошйысь ёна, кыдзи артмис йөзөс дорйём.  
Сйё ышнясьны эз сяммы, мыйта сюсьлун вичмис сьлөн.  
Зонъяс вежөрмисны Гамын, ёма пөри Лөзвад тыё.  
А салдатлөн сюри шойыс асывводзын ва дор борйысь.  
Мый сэн сыкөд бара лоис, дзевис арся пемыд войыс.  
Гашкө, ёма-баба мыжа, гашкө, службавывса висьём...  
Небыд муыс — шебрас кышөд — ёни видзө сылысь лы-сьём.  
Лөзвад тыыс ёна мича — муса нывбабалөн син кодь.  
Көть тэ мый дыра он видзөд, сьөлём вылад овлө нимкодь.  
Сөмын зонъяслы оз лөсяв кузя купайтчыны ваас —  
тыыс кутлас зонмөс пөся, гуся дзевасинө саяс.

## ШУД

### Шонділы

Шондіыс тай тыдовтчис аслас зарни пестерён,  
Енэж шөрөд кытшовтіс, кытшовтіс эз весьшөрө.  
Копрасьёны дзоридзьяс: «Атьё тэд ма войтьясысь!»  
Горөдчөны дорччысьяс: «Чолөм, войлы водзсасысь!»  
Атьё вөрсянь, быдмөгсянь, атьё васянь-моресянь,  
аттьё йөзсянь — быдөнсянь. «Атьё!» — ставөн горөдчам.  
Мед жө шонді ветлөдлө, быдтор шонтө, югдөдө,  
мичлун ассьыс петкөдлө, мисьтөмторсө жугөдлө.

### Ставыс мен

Арся Эжва лөня кывтіс, горзіс көнкө пароход.  
Чужысь мортлөн бөрддзөм кывсис, шызис менам батьлөн горт.  
Эз на төдны, шог ли гажлун ловзис тані мекөд тшөтш.  
«Тэнө виччысьёны важөн», — шуис меным пөрысь тьöt.  
Көть и гөгөрвоны тайөс менам сямлун эз на вөв,  
мыйөн мамсянь йөв ру кайис, пыр жө уси шы ни төв.  
«Азым лоан — кутан овны», — мамөй, көнкө, кайтіс, дерт.  
Кылі сылысь матыс лов шы, нырөн чушөдчи, эг бөрд.  
Ме эг төд, дай вөлі веськодь рудзөг идзас, гөбөч гу...  
Мамлөн морөс вөлі чөскыд, батьөй видчан кыв оз шу.  
Киысь киө ветла пасьтөм... Пывсян, корось — ставыс мен.  
Поплысь ваөн эзысь тасьті менө пыртіг тыртліс ен.  
Вежай вежаньөкөд дасьөсь менсьым чышкалыштны ныр.

Василей, Василь да Васё! — сэксянь чуксалёны пыр.  
«Ловъя лов со бара лоис, медым тальны мулысь мыш», —  
мөдтор шуны мамой поліс. Абу сылөн таысь мыж.  
Быттьо вуж доддьоос моз кыскис оласногсо сэкся кад:  
шогыс унджык коз пу лыскысь, сото син войналон чад.  
Муса Эжва, паськыд юой, не ко тэнад чери-яй —  
эз сет эськё чужан муой овны меным ассъым пай.

### Бать

Ог тод том кадсо ме батьлысь. Кывлі: гөля оліс пыр;  
пурйон кывтліс, совла катліс, сэсся батрачитліс дыр.  
Готрасис нин комын арон, вочис керка — оланін.  
Тöлын ветліс — вурсис карын, сомын гөльлунысь эз мын.  
Книга джөмдалөмон лыддис, муртса вөчліс кырымпас,  
сомын мойдлөн эз вөв лыдыс, дзык быд мойджык вөлі ас.  
Мойдъяс, мойдъяс! Кутшөм лөсьыд тікөд овны, кутшөм бур!  
Тшыглун дзеблінныд эн өтчыд, шудөн кольмөдлінныд юр.

### Еджыдъяс

Вөлі ветымынсьыс ыджыд — паськыд тошка менам бать.  
Ме на муртса кокон кытша, весиг ог на новлы гач.  
Ме ог гөгөрво на, коді, мыйла лэптіс кутшөм кось.  
Батькөд-мамкөд орччөн воді — пола, весиг син ог восьт.  
Коркө ланьтіс лыйсьөм, горзөм. Ывла вывті ветлө йөз.  
Кылө: еджыд гөрдөс корсьө, карта вылысь нуо мөс.  
Но эз кузя еджыд ышнясь, көть и вирон лякис сикт,  
регыд войвыв сійө пышйис — вөтліс краснойяслөн шык.  
Корсьө ямщикъясөс еджыд — босьтө батьоос, босьтө вөв.  
Вөр туй Айкинасянь веськыд — водіс Удөралань чөв.  
Батьо гусьон разьо гужи — медым сувтны лоис мог.  
Мыйон ордийөдісны, чужйис нуанторсө — бур көть лёк.  
Вөвсө бергөдіс да төвзис — босьт да суөд, босьт да кут!  
Кымын водзө, сымын өддзис — конкө вөлөма на шуд!  
Менам батьой бара гортын, бара властьыс миян дор.

«А Москваын Ленин ёрт эм — югыд шонді, зарни шор!» —  
кодї сэки шуис тадзи — бaть ли, мам ли, кодкө мөд...  
Ньоти меным абу яндзим сэсь, мый бура ме ог төд.  
Татшөм мөвпөн, гашкө, быдөн садьмис, чеччис водза-водз;  
татшөм мөвпөн водис рытын коми сідз жө, кызди роч.

### Вежай

Вежай пыдди вөлі Макся — менам ыджыд варов вок.  
Мекөд ворсөдчө — ме вакся, вывлань кыпөдала кок.  
Менө окалө, ме мычча сылы паныд ассьым ки.  
Сійө серам сорөн видчө: «Кутшөм тешкодь бaтьлөн пи!  
Весиг кутлыны оз көсьы, весиг оқыштны он лысьт —  
скөра кулакъяссө вөзийө, видзөд, пиньтө мед оз кисьт».  
Тайө вөлі менам воклөн бөрья сёрни, бөрья теш.  
Эз ло сійө йөзысь боқың, тышын пуляысь эз кеж.  
Красной Армияө муніс, дорйис шудсө — воштіс лов.  
Өні миян югыд лунысь сійөс торйөдны оз ков.

### Мам

Абу нывбаба, а дивө! Кытысь сөмын татшөм вын?  
Мыйөн босьтас аслас киө, дінсьыс воськовтны он мын.  
Ыджыд туша, мича чужөм, помтөм мелі, вывті бур.  
Сійө вөчны быдтор кужө, сы кодь уджач мөд оз сюр.  
Көть и коркө вөлі скөрмас, мыжысь мыжалас — он бөрд.  
Төдан: жалитыштас бөрас, скөрлун сьөлөмас оз йөрт.  
Сылы том дырйиыс олөм мича паськөмьяс эз сет,  
сюрліс милөстина корөм — медым корсьны кынөмпөт.  
Верстьө кадө ылі карын кирпич вөчліс уна во.  
Мырсис, мучитчис, а сарсянь милөсть сы дінөдз эз во.  
Миш Вань верөс сайө босьтіс, Миш Вань ачыс вөлі гөль.  
И оз тыдав вөлі водзысь, кутшөм лоас олөм көр.  
Вөлі лөкыс, вөлі бурыс, вөлі вежөктөм и зык.  
Сөмын олөм найөс вурис — кувтөдз вурысыс эз тшык.  
Мамөй, муса мамөй менам, тэнад лов шы мекөд пыр.

Меным кувтөдз колян енмөн, сьолөм тэон лоас тыр.  
Муртса кызөкта ли дзурта — менө кисьыд он нин лэдз.  
Ог и төдлы, кызди бурда, көть и нинөм эн на вөч.  
Шуа: «Бара нин и бурди». Шуан: «Бурдин кө, и шань».  
Кызд нө тэ вылө он юрбит, кор тэ медся муса ань!

### Висьом

Ог төд, корджык вөлі тайө. Сөмын шоньд гожом шөр  
меным сьөкыд висьом вайис. Куйлі джодж шөрын, эг вөр.  
Ставнас кульсис вомлөн пытшкөс. Он тай горөдчы, он бөрд.  
Морөс изйөн быттьө личкө, юрөс асыкалө көрт.  
Пөжөм йөв да мелі кияс, мамлөн муса небыд лов  
менө чуктөдисны биысь — батьлы шогсьыны оз ков.  
Аслым вөлі ставыс веськодь: югыд шонди, пулөн чаль...  
«Дерт и кувны позис эськө — сөмын мамөй вывтї жаль:  
коньөр бөрдны кутас метөг, олөм лоас шогсьыс-шог.  
Мед жө енмыс эськө сетас мен здоровье, крепыд кок».  
Колис кад, и пышйис висьом. Воис ыркыд арся лун.  
Менам гиялялө нин лы-сьом. Кокьяс — кытчө колө, мун!

### Мыж

Сиктса нывбабаыд вөлі төвбыд печкө — вөчө шөрт;  
дөра кыө, вурө көлуй; элө — удж понда оз бөрд.  
Мамөй сера дөра кыө: дзуртө, йиркакылө стан.  
Кыськө пурт мен сюри кыө, ворса радлігытйри тан.  
Көть и дзоля, судза муртса, муса меным свөлөк дор.  
Мый мен сюрө, кйөн курта, орөм шөрт ли мукөдтор.  
Эг и төдлы, кызди артмис: шөртъяс вомөн пышйис пурт...  
Сера дөра дзикөдз лабмис. Мамлөн синва — соддзөон курт.  
«Пиөй, мый нө тайө вөчин? Мыйта воштін менсьым удж!»  
А ме пыр на чечча көчөн — мыжөс аддзыны ог кууж.  
Мамлөн уджыс вөлі сьөкыд. Пиыс жаль. А мыжысь скөр.  
Ставсө гөгөрвои сэки, кор нин сёрни паніс ньөр.  
Батьөй ньөръясьом эз ошкы. Шуис: «Абу ыджыд мыж».

Менё гильёдыштіс тошнас, содтіс: «Пуртыс вёлі ныж.  
Лэчыд пурт кө сетін киас, дёра пыдди артмис вёнь.  
Эн тэ ньөръяв менсьым пиёс, сійё куканьысь на лёнь».  
Унатор на сэки, гашкё, батьёй казьтыліс сё пёв,  
эг кө пеляс сылы вашкёд: «Мыжа мортыд олө чёв...»  
Коді воча шуас меным: «Татшөм кывйыд сэк эз сюр».  
Сійёс ме ог көйсы венны — сылөн аслас төлка юр.  
Эг кө аддзы кывсё — бурсё, ачыс ловзис бательён мөвп,  
кор ме топёдыштілі юрсё, жмитчи сылань — небыд шөвк.

### Вуграсьём

Батьёй тэрмасигтыр чөвтис, зэрысь турун мед эз тшык.  
Ме сэк вугыр шатьён өвтчи — ворсис визув вылын мык.  
Рытладорыс веськыд туйёд бательань вочны мөді визь.  
Вои бытьё мутём-муё — гөгөр нюр да паськыд видз.  
Коскёдз кыпалёны вутшъяс, бырис менам мунан туй.  
Муртса сулала, ог усьлась. Ставыс ва — көть вод да уй.  
Батьёй индыліс мен кызд пу, тшөктіс: «Сы вылө и лок».  
Колө муныштны на кызкё... Вутшкысь вутшкё тувчө кок.  
Эжөр турун вөр кодь джуджыд, оз нин вутшкыс менө кут.  
Дзикёдз воши кызд пу другыд — горзы көть тэ понйён увт.  
Дерт, эг вёй ме тайё нюрё, сёмын бёрді мунігчөж.  
Сэсса вежань чойлы сюри. Сійё батькёд чөвтис тшөтш.  
Батьёй мекёд орччён мунё, шуё: «Тыртан сизим ар,  
а вот турун пөвстө лунын вошин, бытьё синтём тар.  
Эз кө тыдав вугыр шатьыд, дыр на ковмис овны сэн.  
Весиг чериыд, ме чайта, эз ло муса тэд ни мен».

### Матича пунктём

Миш-вок гётыркёд нин олө — колө керка, юрлы вевт.  
Со и йирт пуктыны колө, сёмын матича оз пет.  
Видлалёны сідз и тадзи — коли медся дженъыд кер.  
«Но сё шак! Эг и аддзыв», — батьёй ас вылас зэв скөр.  
Вөрись кыскисны уль пожём — артмис матича зэв бур.

Коть и вöлі шоньд гожом, кад пу косьтыны эз сюр.  
 Миш-вок петук босьтö кias — петук вайö шуда лун.  
 «Код сэн ветлö?» — бaтьлөн кивъяс... Быть сэк матич кузэ мун.  
 Миш-вок кыкысь вочавидзö, кыкысь тальö матич шөр.  
 Бара мунö, сэсса вильдö, усьö джджжö — скöрысь-скөр.  
 Батьö юасьö на водзö: «Код сэн ветлö?» «Вöрса чöрт!» —  
 Миш-вок сувтö, лёкысь ёртчö. Муртса доймöмла оз бöрд.  
 Мед коть мый, а керка эштис. Сэни ичмонь, сэни вок.  
 Керка эм на, коть и вешйис сийö кадсянь уна во.  
 Миш-вок война вылын уси, коли уна ныв да пи.  
 Сöмын слабмис керка вужйис, чусмис öшиньясын би.  
 Коді Зөвсьөртын да карын... Öтнас гортас пöрысь мам;  
 мунны мöдлаö оз гарав — важ моз муса сылы Гам.

### Радейтчöм

Ичöt дырйи тайö артмис. Тулыс. Эжва вылын зык.  
 Йисö берег дорас гартліс — муртса гöрасö оз пык.  
 Волгин чом дор. Паськыд куръя. Сöстöм эжа. Ваыс бур,  
 «Пөрчысь öдйöджык, эн зуръя!» — горзö Даша — еджыд юр.  
 Даша, Дашук — ичöt нывка, вежон гöст итö нин тан;  
 вывті пельк да мича вывті, вывті лöсьыд чужöмбан.  
 Кыдз нö сы бöрся он вöтчы, кыз нö сы бöрся он уй!  
 Вылад видзöдлас кө öтчыд, сытöг овны оз нин туй.  
 Уйлім куръя öтчыд, мöдысь... Мудзöм кылö и оз кыв.  
 Эг и тöдлы — вöйны мöді. Лэптис серам вылö ныв.  
 Кор нин дзикöдз ваас суні и эг мыччыв ки ни кок,  
 вöлись сералöмыс вуні; повзис, горзис: «Василь, лок!»  
 Даша, Дашук, ичöt нылöй, тэ тай ме кодь на жö ййö!  
 Ваö тэрмасьöмөн пырö. Мед коть ачыс оз жö вöй!  
 Кымын водзö, сымын джджжыд... Көн нö эськө вöйöм зоң?  
 Суніс ныв. Веж ваыс югыд. Ва пыдöсас ыджыд сөн.  
 «Но и Василь! — шуö аслыс.— Пуксин.. Береглянь он мун.  
 Босьта юрсиддыд, часлы... Кыска. Сэсса он нин суні!»  
 Гашкö, шуасны: «Сё дивö! Ичöt нывка тадз оз вöч».  
 Тильсис-мырсис мекöд дыр-ö, ме ог висьтав тіян стöч.

Сөмын, кор ме восьті синмөс, аддзи сылысь няйтось ныр;  
меным банө пыр жө инмис би кодь кучкөм. Доймис дыр.  
Мыссим. Шонді улын шойччим. Кайим гортө. Шог эз вөв.  
Мамлы купайтчөмысь соссим. Вөйлөм йылысь олім чөв.  
Өта-мөдтөг овны сьөкыд, збыль кө радейтчөма морт.  
Дась көть гөтрасьны, а некыдз — муртса сьөлөмөй оз пот.  
Бабыс ордын оло Даша. Бабыс пөрысь, бабыс скөр.  
Уна сы дорын он гажъяв, кисьыс оз и лэдзлы ньөр.  
Сюран — лыддьөдлөмөн нойтас: «Вот тэд, чөртлы, гөтырпу,  
вот тэд любитчыны шөйтөм — босьт да ставсө гортад ну!»  
Көть любовөс вошти тадзи, Даша дум вылысь эз вун.  
Верстьө мортөн бара аддзи — аддзи ассыым югыд лун.

### Учительша

Ме нин ветла первой классө — майбыр тшөктыны оз ков!  
Маш-чой сетіс ыж ку пасьсө — төвся көдзыдысь ог пов.  
Школа кышөма. Кык судта. Увсянь вылөдз өтик пос.  
Ки перилө вылө пукта мян учительша моз.  
Анна Николаевным медся бур да медся шань.  
Быд морт шуө мян Гамын: «Тайө медся төлка ань».  
Өттшөтш дзоргам уна синмөн, а быд синмын өти мөвп:  
«Тіян быд кыв пасө инмө, тісянь көдзыдөн оз өвт».  
И букваркөд өттшөтш сэки Анна Николаевна  
сьөлөмьясө, көть и дзескыд, ставнас вөлі пырөма.  
Сійө велөдө тшөтш сьывны. Сы кодь оз сюр некысь мөд.  
Кыдзи сытөг овны-вывны, мян некод дзик оз төд.  
Поскөд каян. Воськыдвылын первой өдзөс — тані ми  
велөдчамөй коми кылөн коми йөзлөн ныв да пи.  
Менам медся бөръя парта — ме өд мукөдъясысь кузь.  
Көть и мен көкъямыс ар на — быдма, тыдалө, ог узь.

## Вичко

Гамса вичко еджыд, джуджыд. Ыджыд жыннян — кыксё пуд.  
Кылан звён, и вошö мудзыд, гортад удж ни шог оз кут.  
Ыджыд жыннян ылöдз кылö — весиг шызьö ягын вөр.  
«Юрбит, юрбит вичко вылö, медым вичкоюс оз пөр!»  
Мам-бать ёна ен эз тöдны, но и найöс жыннян гор  
вöлi гортысь сэки вöтлö, быттьö тöлөн косьмём кор.  
Найö юрбитисны сiдз жö, кыдзи унджык сиктса йöз.  
Сiдз жö видзавлисны видзьяс, эз кö лысьты миян мöс.  
Вичко коли менам юрö. Абу мыжа сыысь звён.  
Сэни тодмышкалём сюрлис, öкмыс ар кор вöлi мен.  
Ыджыд лун. Йöз вичко тырыс, ёнджык лолыштны он лысьт.  
Кылö кöнкö сьылö клирöс. Мунны матöджык он письт.  
Мырдысь кысся кокъяс увтi — быттьö ичöt кычи пи.  
Ыджыд öбраз дорö сувтi. Матын сисьяс, югыд би.  
Кöть и юрбитöны войтыр, кöть и енлы эскысь эм,  
кодкö пельöд нетшкö, дойдö, кодкö юрö кучкö мем.  
Кодкö видчö шушкыль кылөн, кодкö тальö менсьым кок.  
Кыдзи верма, öвтча киён, горза: «Батьö, татчö лок!»  
Попыс сьылö: «Алилуйя!» Менсьым кодкö тупкö вом.  
Енлань мырдысь юрöс сую — кöть тэ менö сэсся дом.  
Пöри сись сувтöдан пеша, киссис сьём чукöртан доз.  
Нинём танi абу тешыс — кöсьян косны да он кос.  
Дяк со босьтiс менö киöд и эз мырдысь менö кут.  
Шуис: «Лок жö, дзоля пиö, татчö клирöс дорас сувт».  
Быттьö эз и вöвлы нинём. Воддза моз жö сьылö хор.  
Сöмын менам висьмис кынём — муртса пытшкөсöй оз ор.  
Бур, мый батьöй менö аддзис, нуис ывла вылö сэсь.  
Шуис: «Тэ вöсна мен яндзим. Енлы кевмём воши весь».

## Сур

Помсянь помöдз ставыс дивö, помсянь помöдз ставыс бур —  
абу брага, абу пивö миян Гамын вöчём сур.  
Ворйö пуктан васöд рудзöг, тырыс петас еджыд вуж.

Сэсса паччөр вылын мудзё гырысь нопъяс пиын чуж.  
Сэтшөм юмов, сэтшөм небыд! Коть и пось, но вом оз сот.  
Сёян гортын, новлан зептын — мед коть рушкуйд оз пот!  
Мыйён косьмас, сійёс изан, воас чужва вёчан кад.  
Бать-мам сёрни войбыд кывзам — челядь асывводзлы рад.  
Дона гость кодь тшан джодж шёрын, сёйё уна чужья рок.  
Сэсса юё ва, мый төрө. Пуё-скөралё — эн лок!  
Быть ёд скөрман, быть ёд пузян — шонтөм из кө би кодь гөрд.  
Рытсё виччысьёмысь мудзан — кор нин өшъяс чужва шөрт!  
Батьёй мёлөт киас босьтё, кучкё тшан пыдосьысь бедь.  
Чужва петан розьыс вощё — мыйта колё, сійёс лэдз!  
Но и чужва, но и чужва! Сыысь чёскыдтор оз сюр,  
Коді сійёс вёчны кужё, сылөн артмас быгья сур.  
Пөжөм тагйөн чужва ловзяс. Сэсса сысьяв да и ю.  
Татшөм сурён бура овсьё, мусмё аслад чужан му.  
Ведро джынъя яндёваысь юё отик, юё мёд.  
Майбыр, сёмын юктась-ваясь, некод юёмысь оз пёт.  
Быдён гажаось да бурось, быдён кутё асьыс визь.  
Сурлөн выныс кайё юрө — некыт некодлөн оз вись.  
Оз ков винограднй вина, оз ков мукөд юантор.  
Чужва сур дорё ме сина, сувта сійёс пуысь дор.

### Емдінё

Быд во классысь классё вуджи. Вот и колис нельёд төв.  
Сэсса шайё-пайё уси — витөд классыс эз на вёв.  
Колё мунны Емдін сиктөдз. Мамёй лэдзё. Бать оз лэдз.  
Зыкё гортын воим дзикөдз, мый коть сэсса сәні вёч.  
Вот и пароходысь коли. Куня син, а ун оз лок.  
Отик мөвп пыр юрын оліс: «Мыйла шудёй менам лёк?»  
Унмовси дзик асывводзын. Ог төд вемөс али вёт:  
батьёй вөлөн мыйкё ноксьё, оз-ё Емдінё нин мёд?  
Збыльысь, Емдінё и нуис. Рөдтіс муса Рыжко вёв.  
«Велөдчы нё...» — бать мен шуис. Сэсса туй чөж оліс чөв.

## Перна

Көть и дөрөм улын перна, көть и енмыс эз на вун,  
пионерскöй галстук венö менсьым сьöлөм лунысь-лун.  
Пузин-Коль ордын ме ола. Сийö енмөс оз жö тöд.  
Кодлы сөмын енмыс колö, оз кө нинөм сийö сет?  
Коркö ötчыд ворсігкості разьсис менам дөрөм кизь.  
Отик нывка перна босьтіс. Шуис: «Тайö тэныд кысь?»  
Чужөм галстукысь на гөрдджык. Кытчö воськовтны, ог тöд.  
«Зонмөй, галстуктö тэ пөрччы!» — кодкө меным шуö мөд.  
Пышйи челядь дорысь ылö, босьті киö перна көв,  
чөвті ставнас няйт туй вылö — быттö нинөм эз и вөв.  
Серам лоис сэсса веськсдь, сёрни эз жö ветлы дыр.  
Ачым ёртьяс водзын веськыд, сьöлөм збойлунөн нин тыр.

## Бөр гортö

«тулыс пом нин. Гортö менö вайис пароход.  
Лои вежөраджык мортөн. Быдми — лайкъякылö сод.  
Мыйөн лэччи берег дорö, паныд локтіс Маша-чай.  
Сийö видö менö гора — скөрла төкөтö оз сөй:  
«Кыз нö тэныд абу яндзим? Пөлөкалö — абу морт!»  
«Мый нö сэтшөмторсö аддзин? Абу мышка, дай ог чот.  
Тшөктіс новлыны мен батьöй прөстöй лунö дөра гач.  
Збыль кө шуны — кожа гачöй төвнас менам киссис нач.  
Мешөк мышку сайын мисьтөм? Книгаяс сэн, паськөм шой.  
Кийö көрталöма... Висьö. Эн нин видчы, муса чай».

## Бөр лэдзөм

Батькөд пөрөдалам пуяс, Маш-чай вөлөн кыскö кер.  
Копрасьöмысь коскад суйлас, либö китö дойдас чер...  
Меным дас кум на тырис, бательы дзонь квайтымын вит.  
Паськыд пила кын пу йирис öдвa-öдвa — нөйт көть вид.

Асывводзын водзджык петам, рытын сёрджык локтам бёр.  
Сійён йёз мында жё бертам лымъя ягысь пожом вёр.  
Йёз кодь нажётка жё сюрис. Ньобим паськём, дёрём-гач.  
Мыйён воис шоныд тулыс, мунім кылөдчыны тась.

### Сизим пи

Быдми йёз моз жё да ёнми, дзикөдз верстьё мортён лои.  
Мылькыйсь мылькйё, сёнысь сёно ветлі. Ас местао вои.  
Аддзи ассыым корсянторйёс, лои верёс пыдди сылы.  
Менсьым шудёс сійё дорйис, менсьым гажёс сійё сьыліс.  
Менам гётыр — муса Дарья — чужтіс меным сизим пиёс:  
кодёс төлын, кодёс арнас, кодёс рёкыс корджык сиис.  
Петрөван, Иван да Митя төвзьёдісны корадоодьён.  
Локтан туйыс вёлі мича, төв коть лымсё койис соддзён.  
Миколай, Илья да Яков локны аддзисны машина.  
Коть и арся туйыд няйтов, вёлі сёстём югыд сынөд.  
Медся бёрын чужис Виктор, вайис аскёдыс бур гожём.  
Шудным уна. Йёзыс ми дор. Кадыс өдійё пышйё-вошө.  
Керка гөгөр челядь кок туй, керка тырён челядь гөлөс.  
Коді мунё, коді локтё... Но быд зонпи аслыспөлөс.  
Кодлөн кёмыс өдійё киссьё, кодлөн паськём резьдө-орө.  
Коді мамыс дорё кыссьё, коді менё дінас корё.  
Олём-вылөмлөн телега, гашкё, пёлынтьчывліс коркё...  
Сёмын вывті жё нин регыд вёлі зыка олан гортйй.  
Кымын водзё, сымын векныд керка гөгөр челядь кок туй...  
Коть и олём абу сьёкыд, виччыся ме челядь локтём.  
Сёмын аддзывла ме өтчид онас чужёмъяссё налысь.  
Он өд быд пи бёрся вётчы, туй кө мөдлаө нин талис.  
Таво гөститісны гортын сизим пи да сизим ичмонь.  
Висьтасисны, кутшём мортён коді көні йёзлы вичмё.  
Петрөван — кер лэдзанинын тыртё парма ыджыд зыкөн.  
Сылөн, майбыр, сям и вын эм. Зэв бур слава ветлө ськөд.  
А Иванным — уска-тошка, Воркутаын из шом лэптө.  
Митя — нюр выв видзьяс косьтё. Миколайй — ноксьё нефтьён.  
Вуктыл ю дорын — Ильюша, сотчан газ му пиысь перйё.

Сійö быдтор вöчны кужö — инженерлысь туйсö бöрйис.  
Тэрыб Яков — вöчö туйяс, ветлö сійö мутöм-муö.  
Виктор — лётчикавны шуис, йöзöс кымöр сайöд нуö.  
Быд пи аддзис аслыс места. Менам сьöлöм вылын кыпид.  
Öти бипур ставöн пестам, бипур паськыд, ыджыд бипур:  
медым мяян вöли шоныд, медым шоныд вöли йöзлы,  
медым шудаджыкөн лоны, шог мед ми дорö эз вöзйысь.

## С Е Р М И

Ыджыд морт нин — дас квайт арöс...  
Сиктсаянь корсьны кынöмпöt  
локтi татчö — Сыктывкарас  
комын кыкöд воын, арнас.  
Локтi ме — эз кодкö мöд.

Чайтi: йöзыс — быдмысь турун,  
ме — выль тöчитöм коса.  
Чайтi: олöм — летöм вурун,  
шоныд вольпась, небыд юр ув;  
карыс — мортлы юмов ма.

Пövйысь вöчöм тротуарьяс  
нöти талявны ог пов...  
Уджысь мудзöмөн ог артась,  
луньяс бытьö сунис гарта...  
Олöм мöд нога оз ков.

Ветла Дырнöс завод кузя,  
ректа кирпич сотан пач.  
Общежитиеын узьла:  
асывводзын он тай нюжмась,  
оң кор мамлысь дөрöм-гач.

Сотом кирпич быттьо ловъя,  
быттьо пывсян бöрын — гөрд...  
Висьтав, Кира Кирпичовна,  
дыр-ö тэкөд овны ковмас,  
эм-ö тэысь шаньджык мөд?

Тэ и уджйöз мынтан менсьым,  
сетан нянь да шома шыд.  
Ставөн тэ понда ми вензям,  
доръям дона нимтö тэнсьыд,  
лун-лун содтам тэнсьыд лыд.

Серам серамлы оз лöсяв.  
Кöть и кирпич абу морт,  
он и тöдлы — кокад лöсьяс,  
либö тачка кисьтны кöсьяс...  
Скöрав мурзигтыр да чот.

\* \* \*

Выль пöv шоньд бордья тулыс  
восьтис меным олан пуд.  
Выль ног кыла лов шы мулысь,  
выль ног аддза ворсөм юлысь,  
öзйö югыдджыка шуд.

Катя Касева — пöсь шондi,  
дöва мамлөн öтка ныв,  
мелi синнас менö шонтис,  
мудзлун менсьым ловнас кондiс,  
чöвтис сьөлөм вылö тыв.

Быттьо вежөртасөн вися —  
öти мөвпөн юрöй тыр:  
«Мед жö Катя меным вичмас,  
менсьым верстьöлунöс виччас.  
Абу виччысьнысö дыр».

Шуа: «Катюш, меным эскы —  
тэкөд ставыс гөгөр бур;  
олан туйой — шылъыд, веськыд,  
шыдөй-рокөй — менам чөскыд,  
ваыс — быттьө вина-сур.

Дась ме тэкөд — море вылө,  
бур мен тэкөд — ад көть рай.  
Мелі сёрнитө кө кыла —  
мый көть ме вылө оз гылав,  
юрөс вевт улө ог сай.

Тэ кө тшөктан — мыр ме берта;  
изки жугла — сөмын шу;  
чөртөс вөрысь кыска эрдө;  
войсө томан сайө йөрта;  
вөча шоныдджыкөн му.

Мелі муслун синсьыд аддза,  
нюмнад өзтан менсьым лов.  
Позьө радейтчыны тадзи —  
рыт-рыт ветлөдлыны надзөн...  
Сэсся нинөм оз и ков».

Оз и ков, дерт, сэсся нинөм...  
Сөмын мөвпясысь ог мын:  
«Өтчид окыштны кө инма,  
либө топөдлыны динө —  
содас радейтөмлөн вын».

«Ачыс паныд оз-ө окышт,  
оз-ө кутлы сэсся тшөтш...  
Мый сэн окасьөмас лёкыс?  
Ми кодь рам да дөзьөр вокыс  
некор омөльтор оз вөч...»

Серам сора сёрни нывлөн  
мавтö менсьым сьёлём дор:  
«Другасьысьлы муса ывла,  
другянь элясьом он кывлы,  
другыд нинёмтор оз кор.

Дзоргö нылыс вылö зiля,  
ветлö öшинь улöд пыр,  
некор йöз дорö оз сирась,  
сöмын сьыланкывъяс сьылö,  
дзоридз кыскö моздор тыр».

\* \* \*

Гожём. Сыктив ю да Эжва.  
Тырыс пыжа. Ныв да зон.  
Рытья кыа ставсö вежö,  
енэж ю пыдöсас кежö...  
ваыс быттьö сотчö — дон.

Юсö жалита — ог сынышт,  
весиг ичöt дой ог вöч.  
Сойяс зумыдöсь том вынысь.  
Аддза шудöс Катя синмысь,  
сьывны отсалышта тшötш.

Сьыланкывйыс лэбзьö вывлань,  
сэсса усьö юлань бөр.  
Нöшта гажа паськыд ывла,  
нöшта сöстём рытья кыа,  
нöшта мича ылыс вөр.

Ставыс бур, но лёкыс юрсö  
 мыччас — воськов он на вöч:  
 джёмдан — нырнад кыран мусö,  
 либö висьöм тэкöд пурсьö —  
 мунны некытчö оз лэдз.

Курсъяс бöрын кирпич керка  
 йöзкöд мöдiм вöчны ми.  
 Катя весьшөрö оз бергав —  
 бура кирпич — кирпич бердö  
 тэчö сылөн зарни ки.

Сэн жö ськöд удж ме вöча.  
 Сöмын ошйысьны ог лысьт,  
 мый ме кужа сы моз стöча  
 тэчны стенсö, кöть эг этша  
 дөрöм ньылöм пиын кисьт.

Вöлі отсасьысьöн миян —  
 Вирич-Микол — паськыд мыш.  
 Катліс кöзла вылын сійö  
 аслас кокөн, аслас киён  
 кирпич — бытьö мынтiс мыж.

Öнi дивуйтчам — ог эскöй,  
 шуам: «Краныс эз мöй вöv?»  
 Кöть и вöлі, эз на веськав  
 миян киö, миян весьтö...  
 Эз на пöльт сэк колан төв.

Зонъяс другасьöмлысь сикötш  
 гартлім сылі гөгөр дыр.  
 Вирич-Микол бытьö сирöсь  
 öшйис Катя дорö дзикöдз —  
 бöрд кöть сэсса косьö пыр.

Лунын удж, а рытын зыксьом,  
сэсса зыксьом рыт и лун.  
Он и тодлы — пельос тшыксьо,  
өшинь ачыс бокыв в кыссьо...  
Ладыс торкис — удж оз мун.

Кирпич тэчам синва сорон,  
жуглам стенъяс горзигтыр.  
Локтам водз, а мунам сёрон...  
Катя кыкнаннымөс ёрө,  
видчө мян вылө пыр:

«Ой ті, йойяс — сюра өшъяс!  
Тадзи люкасьны оз ков.  
Зон кө сёлөм вылө өшъяс,  
босьтны верөс сайө көсьяс —  
мекөд кокныда оз ов.

Гозья олөм — лоас переч.  
Гөтыр — гөтырөн ог ло.  
Кутас ветлөдлыны верөс  
ручла медся ылыс вөрас,  
кыйны куим ошкөн во.

Тіян муса татшөм олөм?  
Татшөм гөтыр тіян бур?  
Честьөн висьталөй, эн полөй,  
збыль-ө тіян тайө колө?  
Оз мөй бурджык нылыс сюр?

Менам кудри тіян төдса —  
еджыд кудри нывлөн — бур.  
Сөмын сёлөмөй тай пөдса —  
восьтны сійөс абу прөстө,  
артман ключыс оз кө сюр.

Мырдөн сьолөм нывлысь восьтан —  
лоас сьокыд кольны нэм.  
Көть и верос сайо босьтан —  
ассьыд шуд и гажлун воштан,  
кыдзи зорөд пио ем.

Коз пу сир кодь жо ме оэйысь...  
Ставыс збыльтор — абу мойд.  
И ог дзед ме тайос йозысь.  
Сийон тиянлы ог вөэйысь...  
Эскөй мен — ог порьясь войт».

Мый көть миянлы оз висьтав,  
мый көть миянлы оз шу —  
Катя серти быдөн мисьтөм,  
сылань сөмын сьолөм кыскө,  
мед көть кутшөм рөк оз су.

\* \* \*

Воис каро ваось киа,  
няйтось кока кодзыд ар.  
Кыти сөмын оз и вияв,  
кытчө сөмын он и гылав,  
кодї сөмын абу няр!

Асывводзсянь скөра дзуртө  
Вирич-Микол улын пос.  
Зонмыс талун быттьө юртөм,  
синъяс сувтөмаось пуртөн...  
Паныд сюрас — бурджык, кос.

Быттьө чардби менө кучкис —  
аддзи: вильдїс Вирич-Коль,  
сэсса вывсянь улөдз усис...  
Сөмын «көзла» ошйис-дзугсис,  
ньоти кирпич дзонь эз коль.

Эз тай потлась мортлөн яйыс,  
эз тай орлась сылөн сөн...  
Посъяс костөд ойзөм кайис  
быттьö кыськö пыдысь, ваысь...  
Вуні — коді вöлі көн.

Öдйö чукöртчисны йöзыс.  
Отсөг Миколлы — сё лов.  
Катя биён сэні öзйис,  
быд ног кокньöд сетны кöсйис...  
Бöрдис, бöрдны көть эз ков.

Мыйла бöрдан, муса нылöй,  
мыйла синватö он кут?  
Зонлөн сьөлөм тiпкö-кылö.  
Смертьыс эз на сійöс ылöд —  
сылы туй вылас эз сувт.

\* \* \*

Сьöкыд больничаö локны,  
нöшта омöль висьны сэн.  
Вирич-Микол быттьö воклы  
радлö меным. Вуні лёклун,  
вуні дöзмөм, вуні вен.

Ме кö рытъя шоныд сета,  
Катя вайö гожъя лун.  
Көть и дойыс бöрдны йöткö,  
пыр жö нюмыс зонлөн петö —  
мен кö Катя шуас: «Мун».

Меным мөдтор вöчны нинөм,  
шуа: «Аддзысьлытöдз — бурді!»  
Кута сьөлөмөс став вынөн,  
сöмын вежөгтөмöй синö.  
Горза аслым: «Асьтö кут!»

«Керка сотчигөн мөй позьö  
лөгтö чургöдлыны пыр?  
Пыжсö мортлысь он жö розьöд —  
овны лосьöдчан кө водзö,  
эз кө яндзимлуныд быр!»

Коли во джын. Микол бурдiс.  
Воис бара тувсов кад.  
Выль ног олöм мян сюртчис —  
кодöс мавтiс, кодöс курччис...  
Менам шуд эз кывт ни кат.

\* \* \*

Меным дас көкъямыс тыри,  
ветла, йöкта — верстьö морт.  
Зонлы гажа призыв дырйи.  
«Под нолёвку» юрси шыри —  
вöли ютöг весиг код.

Лöсьыд армияö ветлöм,  
быд том зонлы сiйö бур:  
дзикöдз ышнясьöмтö вöтлö,  
збойлун, мывкыд сэтысь шедлö  
видзны дзоньвидзаён юр.

Медым сiйöс сiдз не сетны,  
оз кө Рöдинаыд шу,  
оз кө ковмы косьö петны —  
медым вöля аслыд бертны  
либö пыкны чужан му.

Мортлөн армияын олöм —  
зыртны позьтöм олан пас.  
Весиг кувтöдз юрад кольö,  
кутшöм частькөд кытчö волiн.  
Друг-салдатыд медся ас.

Сэки ставсö тадзи шуны,  
гашкö, мывкыд эз на чуж.  
Сöмын армияö мунöм  
йöз моз шуи югыд лунöн.  
Мöд ног мөвпыштны эг куж.

\* \* \*

Вöли жаль, дерт, нылöс кольны.  
Аскöд он жö сийöс ну.  
Микол другысь юрöй кольмö —  
оз и ланьтлы асьсö дольны,  
мыйсö сöмын оз и шу:

«Ме öд сюсь нин — овны сямма,  
ог кут торкны тэнсьыд шуд...»  
Гөгөр видзöдлывлa рама...  
Киöс оз нин некод шамрав...  
Оз нин пароходыс суvt.

Сера кепкаөн ме öвта,  
горза: «Катюш, бура ов!»  
Лэбзьö вывлань каля-пöтка.  
Пристань тыдалö нин öдва.  
Син дор чышкавны оз ков.

Кутшöм служба вöли көнi,  
кытысь аддзи кутшöм пай,  
ог кут висьтавлыны öнi.  
Быдса куим төв ме төвйи —  
видзи ылыс Мурман сай.

Отик төвсö ёна шонтiс  
Катя письмөяслөн би.  
Мöд кузь төвлысь вынсö кондiс,  
менсьым көм-пась бытьö дзоньтiс  
Катя мамлөн лышкыд ки.

Вөлі кӱдзид, вөлі тӱла,  
вөлі гажтӱм коймӱд тӱв.  
Енӱж — тӱлысьӱн эз дӱла,  
ӱшйис муӱдз кымӱр пӱла,  
лымсӱ гартис уна пӱв.

Письмӱ письмӱ бӱрсянь ыста...  
Сыктывкарсянь — кыв ни джын.  
Бытьтӱ вуж додь муӱд кыска.  
Некод нинӱмтор оз висьтав.  
Кадсӱ кольны абу вын.

\* \* \*

Му он сувтӱд аслад шогӱн,  
тулыс локтӱмсӱ он кут.  
Сыктывкарӱ пароходӱн  
вои бытьтӱ ыджыд могӱн —  
сиктса гортӱ ме эг сувт.

Кылӱ сьӱлӱм мамлысь корӱм.  
Тӱда, бӱратлывлӱ бать.  
Сӱмын пӱла воны сӱрӱн  
аслам дона Катя дорӱ —  
сӱйӱн тӱрмасы ме тадӱ.

Пароходсянь пристань вылысь  
корсьӱ тӱдсаясӱс син —  
корсьӱ мыгӱр муса нывлысь,  
юрсӱ, коксӱ корсьӱ сылысь,  
некыдз корсьӱмсьыс оз мын.

Вот и пароходыс сувтис.  
Ме нин шӱйӱвошӱм морт.  
Рӱкыс мелань понйӱн увтис,  
менӱ осьлалӱмысь кутис.  
Мелань локтис менам ӱрт.

Вирич-Микол нюмнас югдö,  
восьтö ассьыс паськыд сыв.  
Дыр ми радлöмысь ог дугдöй,  
шулам öта-мöдöс другöн,  
сöмын сьölöмын оз сьыв.

«Катя верöс сайö петіс! —  
Вирич-Микол горзö мен.—  
Но и гöтыр мортлы шедіс...  
Гозья олöмнас нин пötіс —  
быд лун теш да быд рыт вен...»

Пукси туй шөрö да бөрда —  
ньöти яндысьöм ог тöд.  
Он öд сьölöм дойтö көртав  
и несчастьетö он йөртав...  
кыла шуöm: «Зон, эн бөрд!

Тöдан: мусукасьöм — висьöм;  
а быд висьöм лов оз босьт.  
Мужик мортлөн синва кисьтöм —  
вöльнöй светас медся мисьтöм.  
Дугды бөрдны. Синтö восьт!»

\* \* \*

Вежон мысти гозья ордö  
локті. Лөглунöс эг пык.  
Кöйи петкөдчывны мортөн,  
сэсся мунны аслам гортö —  
мед не лэптыны лөк зык.

Но эз артмы миян сёрни.  
Ме эг казьтыв нинöмтор.  
Пыр жö аддзи — ёна сёрми.  
Кыліс лайксьöм потан сёрлөн —  
стен тшötш сувтіс кага дор.

Сапог жмитё менсьым кокос —  
ньоти сулавны оз позь.  
Катя кутліс быттьё вокос,  
сэсса сувтіс потан бокас...  
Синмыс важкодъыс на ёсь.

\* \* \*

Дыр на шогси, дыр на дзурті,  
сэсса эновті ме кар.  
Зэв нин важён съёлём бурдіс.  
Олём юмдыліс и курдліс.  
Со и нэмлён пуксис ар.

Онөдз вуджөртасыс нывлөн  
эз на юрысь менам быр.  
Пета видзөдлыны ывла,  
муртса синмөс чөвта вывлань —  
улич Катяясөн тыр.

Ставныс мичаось да бурось —  
бөйы, кодос колө тэд.  
Сөмын кодлы кутшөм сюрас,  
кутшөм мөвпыс нывлөн юрас,  
некод водзвылысь он төд.

## ТОРПЫРИГ

Эжва ю дорын, Сыктыв ю вылын  
Карлөн важысянь ломзьё би.  
Вөрсянь, ылісянь сэтчөс югыдлань  
Локтё дугдывтөг коми пи.

Рытыс ветлөдлө карса уличөд,  
Сыктыв ю вывті кывтө пыж.  
Лэббө сьыланкыв енэж улысөд,  
Вөрыс ломалө — гөрд да виж.

Нора сьыланкыв өвтчө бордъяснас,  
Лэбзьө, вөрзьөдө кымөр дор,  
Карө гылалө керка костьясас  
быттьө тöлысьлөн югыд тор.

\* \* \*

Көть эз вөв сэк ёна паськыд тротуар,  
Көть эз югъявны пу керкаяслөн жыръяс,  
Коми мулөн гажа шонді — Сыктывкар —  
Восьтіс коми мортлы уна паськыд дзирья.

Вөрсянь вөрөдз подөн мунны — öтик час.  
Көдза муыс быттьө уличакөд йитчө.  
Дзик быд олысь öта-мөдлы сэтшөм ас —  
Төдан, кутшөм мөгөн мунө коді кытчө...

Медся гора кылөн вөлі «Лесзавод»,  
Медся пось да югыд ним Пединститутлөн;  
Водзө мыйта көть бур колантор оз сод,  
Найөс некор мян коми йөз оз вунөд.

\* \* \*

Төвлы паныдөн паськыд уличөд  
Öта-восьлала — морт оз кут.  
Локтө, нюмъялө кортөг, виччысьтөг  
Карса мича ныв — зонлөн шуд.

Мелань видзөдліс, быттьө лыйыштіс.  
Сувті, ышловзи. Вошті лов.

Эг и казявлы, пытшкөдз пырыштіс.  
Сытөг оломыс оз нин ков.

Сөмын чуймыла, сөмын дивуйтча —  
Бытьё син водзын войся вёт.  
Воши Сыктыв ю, воши улича.  
Югыд шондыс петіс мөд.

Төвру малыштіс нывлысь кокъяссө.  
Төв ныр платтьөсьыс гартіс борд...  
Сөмын вичмис мен бускөд окасьөм.  
Отнам сулала — коньөр морт.

Видча төв вылө, видча ас вылө.  
Нывлөн кок туйыс мен оз сюр.  
Сөмын сьөлөмө коли казьтылөм.  
Нывлысь вуджөрсө видзө юр.

\* \* \*

Эм строительной карын техникум.  
Ме кодь ныв да зон сәні тыр.  
А строительлөн абу векньыд туй —  
Тасдор югыдын удж оз быр.

Мукөд ныв-зонкөд сәні отлаын  
Перъя техниклысь кужанлун.  
Менсьым некодлы туй не пөдлавы.  
Мый ме төдмала, бөр оз вун.

Лунын велөдча керка стрөитны.  
Рытын — лэбавны корся лад.  
Татшөм ышмөмысь морт эз өлөдлы —  
Томлөн быдлаө тырмө кад.

Абу омольтор лэны техникон,  
Лоны лётчикон — нёшта бур.  
Сьолём ыршасьё, сьолём тешитчө,  
Лэптө кымөрөдз менсьым юр.

Сынөд шөрала планер бордъясөн,  
Улын пөлнясьё джуджыд кыр.  
Воё сьолём выв төвкөд ордысьём,  
Радлун дорөн тшөтш — морөс тыр.

Лэбзьё ме бөрся карса мича ныв.  
Менө велөдны — сылөн мог.  
Мен инструктортө лоё вичавны —  
Пыдди пуктыны аслысног.

Нина Павловна — зэв бур нывбаба,  
Сы кодь велөдысь мөд оз сюр.  
Сыкөд лэбавны позяс сы мында,  
Мыйта садь вылын лоас юр.

Зоньяс сы дорын рамлун воштöны —  
Налы енэжыс бытьё видз.  
Вынсö ассьыныс выль ног восьтöны,  
Выль пөв аддзöны мулысь мич.

Юра кымөръяс — бытьё йöраяс.  
Гартам на гөгөр шондi вез.  
Пöльтö сынөдсö милань гöраыс.  
Ю дор видз вылын тырыс йöз.

Эг и казявлы, кызди джөмдышти,  
Кызди путкыльтчис вöртас дор.  
Рытыс зумыштчис, рытыс рөмдыштис —  
Лэбны пöткалы зэв нин сёр.

Муыс өдөбтчө — мелань тэрмасьо,  
Сувтлө весьтасөн быттьө стен.  
Вынтөм бордьясөн мырся-вермасыа —  
Медым усьөмысь мынны мен.

Быттьө кын пуяс менам ки-кокөй,  
Сьөкыд изкиён личкө юр.  
Бөрья тшупөдьяс сьөлөм тпкөдө —  
Гашкө, туйвежөй оз нин сюр!

Муртса мыні ме топыд штопорысь,  
Өдва казялі сынөд пос —  
Меным паныдөн өдйө котөртіс  
Сыктыв юбердса паськыд коз.

\* \* \*

Юсьяс лэбөны паськыд енэжөд.  
Пуля жугөдө друглысь борд.  
И пөдругаыс зэв нин гежөда  
Корсьө өтнасөн ассьыс горт.

Сійө уськөдчө аслас друг бөрся,  
Чайтө — отсавны оз-ө позь...  
Ме больничаын куйла, бурдөдча —  
Аслам дойяскөд нуа кось.

А инструкторлөн синмыс вазьөма —  
Сійө ме дорын уна лун...  
Менам планерөй дзикөдз разьсьөма —  
Кымөр кытшлавны оз нин мун.

Ог төд өнөдз на, кутшөм гайка ключ  
Пуктіс джөмдөмсө меным сэк.  
Коді мыжаыс? Гашкө, сям эз судз?  
Гашкө, сэтшөм нин суис рөк?

Одйо бурдоны томлөн лыясыс —  
Ветла, весигтö ог нин чот.  
Абу яндзим мен карса нывъясысь,  
Кöть ог шусы ме: «Том пилот».

Тадзи öзйыштліс менам син водзын  
Югыд биторйөн мича ныв.  
Тадзи воссьыштліс гоҗся сынöдын  
Шуда олöмлөн кыркöтш йыв.

Ловъя дзоридзяс эг куж сюрöстны,  
Эбöс лэбзыны мен эз сюр.  
Олём эштыліс мекöд сюрасыны,  
Кужис куштыны менсьым юр.

Кад оз сувтывлы, кад оз шойччывлы,  
Öтмоз котöртö — көмтём зон.  
Он и казявлы, он и сёрнитчыв —  
Мынтан олöмысь сылы дон.

Син дор чуқыръяс — ловъя черань вез.  
Юрси, ус да тош — яла нитш.  
Югыд торпыриг гажа серамлысь  
Он нин курышты, он нин видз.

Ньöжйö восьлала, карсö видзöда.  
Сылөн вежсьöма чужöмбан.  
Ачым кажитча вывті ичötөн,  
Сувтов керыштла сэн и тан.

Кутшöм гырысьöсь öні керкаяс!  
Мыйта олысьлөн тані лыд!  
Вывлань видзöдла — юрöй бергöдчас.  
Весиг вунöдла, мунны кыт.

Оз нин паныдась Нина Павловна...  
Оз нин лэбавны меным ков.  
Коркё гу дорас сёмын кайлывла —  
Лыддя из вылысь сылысь ов.

## ПЕРВОЙ ГӨТЫР

Эжва катыдын, Эжва чукылын  
Ыджыд сикт пөлөн өвтчө вөр.  
Абу гажтөмин, абу жугылин,  
Татчөс олысьлы — мулөн шөр.

Школа стрөитны вои татчө ме —  
Виль ног мичмөдны джуджыд кыр:  
Медым ылісянь челядь аддзёны  
Да оз вунөдны сійөс дыр.

Пөшти ва дорөдз кыр йыв шызьёма,  
Гөгөр быдлаын кер да из.  
Сиктса войтырыс ёна мырсьёны.  
Накөд нуода ассьым визь.

Керъяс лөсөма югыд мольыдөдз,  
Ыджыд лэб улын тьөс да пөв;  
Кирпич сотөма — сёмын гольдчө;  
Известь гашенöй — бытьё йөв.

Ставыс лад вылын, ставыс бур вылын,  
Өдйө кыпалө школа стен...  
Сёмын виччысьтөг менам юр вылө  
Сьökыд нелючки öшйис сэн.

Йӱзкӱд ӱтлаын мырсис-уджаліс  
Анна Рамова — дӱва ань.  
Мича бобувьяс — сылӱн вуджӱрыс.  
Сылӱн воськолыс — мелі кань.

Синмӱ видзӱдлас, дінӱд кытшовтас —  
Ог и казьявлы, сувтас лов.  
Сэссия, мыйлакӱ, ӱна ышловзяс —  
Быттьӱ шуыштас: «Мен он ков».

А ме коньӱр моз йӱзлань тӱрмасыя:  
Йӱзкӱд ӱтлаын — вына морт;  
Коля ӱтнамӱн — синмӱй пӱртмасыя,  
Юрӱй кольмӱма, юрӱй код.

Он шу тшӱтшьяӱн, он шу ыджыдӱн,  
Сӱмын йӱз дорын — мейсь сюсь.  
Ветліс веськыда, ветліс виджадӱн —  
Олан туй помыс зӱв нин кузь.

ӱтчыд рытъядор быттьӱ туся зӱр  
Усис ме ордӱ — туч ни тач.  
Повзи — быттьӱкӱ восьті гуся сер...  
Сувті джодж шӱрӱ — кӱдзыд пач.

Анна нюмьялӱ, кисӱ нюзӱдӱ,  
Шуӱ: «Пуказыта ӱти час...»  
Сэссия чышьянсӱ юрсьыс уськӱдӱ —  
Быттьӱ нэмсӱ нин меным ас.

Мыйта видзӱдӱс, дыр-ӱ пукаліс,  
Бура висьявны ме ог тӱд.  
Сӱрни сартассӱ сюся юкаліс,  
Быттьӱ казьятыліс войся вӱт.

«Ме өд абу тась, а Керчомьяысь,  
Быдми-туөдчи — бать нин мам.  
Аддзи верөссай вывтi томвылысь.  
Вөлі польсь да рамсьыс рам.

Верөс — дөвеч морт, комын арөса.  
Өтик кок туйын сыкөд пыр.  
Сійө вежөктiс дзик быд падөсө,  
Зонмөн петкөдчис сылы мыр.

Мунас вөравны — нуас аскөдыс.  
Гөтыр гу дорас — мекөд тшөтш.  
Бытьё аканьөс менө пасьтөдiс.  
Полi-тиралi — ичөт көч.

Ошкөс туявны өтчид нуөдiс...  
Киссис дугдывтөг арся зэр.  
Войбыд джадж вылын менө пукөдiс.  
Войбыд вашкөдчис пемыд вөр.

Эг и төдлы ме, кызди вугыртi.  
Усьмөн повзьөдiс лыйөм шы...  
Аддза: верөсөй асья югөртi  
Вылө кыпөдiс лэчид шы.

Вөрсө поткөдө лёкысь горөдчөм...  
Лэптө лапасө ыджид ош...  
Сэсся морт дорысь сійө торйөдчө —  
Эштiс, тыдалө, сэни кось.

Кызди чеччыштi джуджыд джадж вылысь,  
Кызди пищальыс сюри мен,  
Ог куж висьтавны. Сөмын аддзыли —  
Бытьё ыпнитлис биа стен.

Эз нин лолавны ош ни верёсой.  
Орччөн лосьпилён туша джын.  
Чола сулаліс паськыд керёсыс...  
Гортё восьлавны эз вёв вын.

Тадз мен веськалі туйыс дөвалён.  
Дзугсис сунис моз олан лад.  
Нимой быд ногыс өні дөлалё.  
Ачым сы вылө абу рад.

Көсий выльысьён панны олөмөс —  
Сійөн эновті асьым горт.  
Но оз гөгөрвэ менсьым колөмөс  
Тані весигтё өти морт.

Бытьё мазіяс позсё корсьёны —  
Быд зон ме дорё локны дась.  
Дөва ним вылын найё ворсьёны —  
Лоас пышйыны весиг тась».

\* \* \*

Анна төдө нин менсьым олөмөс.  
Төдө: муса ныв менам эм.  
Вошө весьшөрө рытсё колльёмыс —  
Ог веж мөд вылө сійөс нэм.

Воссё өдзөс, да пырө керкаө  
Еджыд юрсиа — дона морт.  
Гөгөр видзөдө, гөгөр бергалё —  
Бытьё төдмалё асьыс горт.

Меным кажитчө: нопйөн кыскыся,  
Менам кок улын ваа нюр.  
Аддза вөтын моз ылысь кытыськө  
Ыджыд көсаа нывлысь юр.

Кывъяс сынодас руон ошйоны.  
Одва сайкало менам мовп.  
Рытыс видзодо керка ошиньо,  
А ме рыт вылас син ог човт.

«Аддза — биаось. Шуа — пырала..  
Вот и пыри со... Бур жо рыт!  
Мыйта кодзулыс муас гылало!  
Весиг воськовтны он тод кыт».

Тадзи сёрнито съолөмшөр менам —  
Том учителяша, югид лун.  
Пырөм Анналысь сийо кывлөма..  
Анна серало — оз на мун.

Ёна радейти тайо нывсо ме —  
Сийо ловзьодис менсьым лов.  
Полі: мед эськө ми эг ылөсмөй,  
Коть и повнысо эз нин ков.

Васса Мысова — свет Семёновна  
Төдіс бура зэв ассъыс дон.  
Төдіс: радейтчөм миян ёнмө на,  
И оз пөрийодлы сийос зон.

Да и вермис мөй эськө пөръявны  
Юсо тулысын ляпкыд сьорт?  
Да и вермис мөй эськө көртавны  
Югид шондісо вөсни шорт?

Пессё съолөмөй налим черион,  
Ортсо чеччыштны сийо дась.  
Оз позь яндзимтө юкны шөрион,  
Оз позь пышйыны весиг тась.

«Васса, Вассочка, свет Семёновна,—  
Пёлөс нюм сорөн восьті вом,—  
Тэтөг шыд-рокөй менам шоммөма,  
Тэтөг көдзаліс менам чом...»

«Чайтін, Аннакөд гортыд шоналас,  
Тэнө гажөдас сылөн висьт?  
Он и төдлы, кызд тэнө домалас.  
Петны керкаысь сэк он письт».

Анна серөктіс воча Вассалы,  
Чышьян — юр вылас, и: «Прөщай!»  
Петіс. Керка стен весиг паськавліс,  
Гымөн гымыштіс өдзөс сай.

\* \* \*

Регыд та бөрын тыри лыаөн  
Менам зонмалан визув ю.  
Гөтыр өзйыштіс асья кыаөн,  
Менө кыгшаліс шөныд рү.

Лунся удж бөрын теськөд, тьощакөд,  
Либө гөтыркөд... Олөм — мойд.  
Рытын — гуляйтам, сьөлөм тшөктас кө,  
Кытчөдз кокнымөс көм оз дойд.

Анна Рамова шог эз петкөдлы,  
Стенө сюяліс кудель прать.  
Мый пө шогавныс меным, өткалы —  
Олөм ас кежас мунө скач.

\* \* \*

Ставыс, колөкө, сідз и помасис,  
Эг кө думышттөм воськов вөч,

Эг кө пөрччы ме вөлөс домөдсьыс,  
Эг кө вөля выв сійөс лэдз.

Отчид Аннаос кутлі сёрнион,  
Мөдысь ошкышті сылысь стать...  
Коркө удж вылысь мунім сёрон нин,  
Сійө сувтіс да шуис тадз:

«Эновт Вассатө. Мекөд овмөдчам.  
Төда, мусаджык сыысь ме».  
Аддза, нывбаба мелань топөдчө —  
Весиг воськовтны некыт мен...

Васса, Вассушка кага виччысьө —  
Вурлө, лөсьөдлө новлантор...  
Еджыд пиньяса төлысь мыччысьө,  
Йирө ньөжйөнник кымөр дор.

Анна лолалө өгыр лов шыён.  
Мойдө: «Йёюкөй, овны куж...  
Эн ло көинөн, эн ло ошпиён —  
Эн тэ косявлы ловъя вуж...»

Ставыс гудыртчис, ставыс путкыльтчис...  
Яндзим сулавны, мунны дыш.  
Ог төд, кыздикөн сөмын удайтчис  
Честьөн помавны тайө тыш.

Анна чөв усис, вешйис бокөджык,  
Сэсся ышловзис аслысног.  
Гашкө, ме вылө сійө лөкөдчис,  
Талис кок улас көвтөм шог?

Мунё уджалом, кывтё олөмыс.  
Сюся чужьяся — водзё пыр.  
Венны велөдча ассьым полөмөс,  
Көсья шудаон лоны дыр.

Шонді петігөн вөлөн Базаё  
Сизим тысяча нуа сьом.  
Мөвпяяс лэбзьёны мекөд гажаё,  
Муё гылалё воом льом.

Васса — сьөлөмын. Анна — мөвп вылын.  
Югыд улича. Пемыд вөр.  
Мөвптё, гуйёс моз, сөмын өвтыштан,  
Сійё бара нин локтё бөр.

Перевоз сайөдз Анна вөтчыліс,  
Сэсся сулаліс мекөд дыр.  
Ассьыс кыв-ворсё кесліс-төчитіс,  
Муртса пытшкөсөдз мен эз пыр.

Ыджыд сикт пасьта быдөн узьёны,  
Сөмын Анналөн ун оз лок.  
Сійёс кывзыны весиг мудзи нин —  
Кузя казьтылө кольөм шог.

Мыйкө шуасис, мыйкө бөратіс,  
А ме кучкышті ассьым вөв.  
Туйыс кушинті, туйыс вөраті...  
Абу сьөлөмын менам чөв.

Анна, Аннушка, кыз он гөгөрво,  
Тэнад юантор вывті ён...  
Менө повзьөдө тэнө гөгөртөм,  
Кызди коктөмөс джуджыд сён.

Небыд кос турун тарантас вылын...  
Куйла көрөбын, вөтла вөв.  
Руыс топалө арся асылын —  
Эз на пальөдчы унмысь төв.

Сөмын сьылөны вөрса пөткаяс,  
Чирзө кытөнкө повзьөм көч.  
Унзиль кыйөдө менө, өткаөс —  
Синмөй куньсьө, көть мый ог вөч.

Эг и казявлы — вөйи вөт пиө:  
Лэба выліті, гөгөр тшын.  
Лэбө ме водзын менам гөтырөй,  
Көсья вөтөдны — абу вын.

Көсья горөдны — медым виччыштлас.  
Гөлөс вошөма — кыв оз пет.  
Васса ылын нин — өдва мыччысьлас.  
Водзө лэбан туй мен оз шед.

Садьми. Казялі — вөлөй сулалө.  
Йирсьө бадь пиын — туй ни визь.  
«Лыяс сө морөн!» — видча, шуала,  
Сэсся вомөнта паськыд видз.

Вои Базаө. Ошинь, өдзөсьяс  
Сэні вөчисны менам йөз.  
Йирмөг неуна асья көдзыдысь.  
Весиг вом дорөй бытьё лөз.

Деньга портфельөс корся көрөбысь...  
Нинөм ки улө мен оз сюр.  
Кияс-жокьясөй ставыс горөдөсь.  
Гөгөр бергөдчө менам юр.

Кыдзкө вои жө олан гортө ме,  
Эжва ю пидös эз жө босьт.  
Бытьтө тöдлытөг сатшкис горшө мен  
Ыджыд сирлөн пинь — чорыд, ёсь.

Кодлы висьтасы, кодi эскас мен?  
Ставлы син водзын менам мыж.  
Лоö суд вылө мунны весьтасөн,  
Весиг норасыны кылöй ныж.

И народнöй суд кöсйö судитны,  
Йöзсянь дорьян кыв оз жö шед.  
Бöрдны сы мында гöтыр удитлис —  
Весиг синваыс оз нин пет.

\* \* \*

И судья нин со талун воöма.  
Менö виччысьö сиктса клуб.  
Лымйөн вой тöлыс ставсö толöма.  
Туйыс кыр йылö вывті крут.

«Сувтöй! Суд локтö», — сöмын шуисны,  
Пырис клуб шөрöдз стөрöж-Вась.  
Сылөн кывьясысь ставөн чуймисны,  
Ме нин пышйыны вöли дась.

«Анна öшöдчис!» Гөгөр шы ни төв —  
Бытьтө ловья морт сэн эз вöv.  
Аддза нöшта ме портфель шыбитöм...  
Аддза син водзысь йирсьысь вöv...

Уси сьöмкөд тшöтш портфель пытшкöсысь  
Еджыд лэбачөн бумага лист.  
Стальнöй шыөн моз быд кыв бытшкисис —  
Сэтшöм сьöкыд сэн вöли висьт:

«Бурджык, воши кӧ пемыд вӧр шӧрӧ.  
Бурджык, пӧдтӧс кӧ менӧ нюр.  
Эз ков яндысьны меным весьшӧрӧ,  
Эз ков петляӧ сюйны юр.

Чайтӧ, казялас ставсӧ друг менам,  
Повзяс, окалас менсьым кок.  
Ӧнӧ ме вӧсна ставыс дзугсьӧма,  
Лоис олӧмӧй нӧшта лӧк.

Мыйла мен эськӧ, йӧйлы, яндысьны?  
Мый не гусявны тайӧ сьӧм?  
Сыкӧд, тӧда ме, мен не аддзысьны,  
Сытӧг коллявны ковмас нэм.

Да и мый эськӧ сылӧн бурторйыс?  
Абу мичлун ни ыджыд вын.  
Сӧмын коньӧрӧс менӧ, юртӧмӧс,  
Кыйис-дзугьялис, дай ог мын.

Кузя лӧсьӧдчи сетны сьӧмсӧ бӧр,  
Сӧмын, полӧмӧй кынтӧс вир.  
Воши олӧмӧй, воши сьӧлӧмшӧр —  
Колис чегьявны сьылӧдзир.

Тэ прӧстит-прӧщайт, муса друг, менӧ!  
Тэ прӧстит-прӧщайт, югыд лун!  
Тасдор югыдын тӧкӧд юкся ме.  
Аслад туйӧдыд метӧг мун.

Энӧй дивитӧй, му выв олысьяс,  
Энӧй лӧсьӧдӧй меным суд.  
Энӧй кучкалӧй менӧ — корысьӧс.  
Олӧм тӧялӧсь ме ог кут».

Тадзи помасис менö судитöм,  
Сюрис тадзикöн вошлöм сьöм.  
Аддза Вассалысь сьöкыд мучитчöм —  
Вевттис чужöмсö пемыд рöм.

Войбыд пукалім сиктса фельдшеркöд —  
Чайтi, кокньыдлун ог-ö сет.  
Мамыс Вассалöн сэн жö вешйивтöг.  
Сöмын кокньöдыс эз нин шед.

Васса горöдчис асья югдiгөн.  
Муртса сьöлöмöй сэк эз пот.  
Эштiс, тыдалö, сылөн мучитчöм...  
Мыйла кок ув му ен оз сот?!

Мыйла юр менам абу потöма?  
Мыйла кок менам эз на чег?  
Мыйла гу меным абу кодйöма,  
Абу дорöма кöртись чеп?

Менам кусiны шондi тöлыськöд.  
Ог лысьт лолавны, ва ог ю.  
Ог лысьт сёрнитны весиг йöзыскöд,  
Пола таявны паськыд му.

Бурджык вöли мен лоны тюрьмаын —  
Мыжöс вештыны ассьым пай.  
А не бёрдны тан — аньяс гу вылын  
Да йöз синьясысь корсьны сай.

\* \* \*

Тайö шуштöмтор вöли важөн нин —  
Пöшти нелямын коли во.  
Мыйöн казтышта — пыр на вазьö сий,  
Пышйö ун меысь уна вой.

Кывбурьяс

Чужан мулы . . . . .	5
«Авъя тулыслысь шоныд бордъяссө...» . . . . .	6
«Том төлысь ытшкө енэж дорсө...» . . . . .	6
«Көдзыд төлыс ыджыд еджыд пася...» . . . . .	7
«Быд сиктса пачысь енэж лөзас...» . . . . .	8
«Лым чарём вылын кодзув діяс...» . . . . .	9
«Көні колө, коллы нэм...» . . . . .	9
«Водз асыв бияссө эз кусөд...» . . . . .	10
Мед содас шуд . . . . .	11
Ру . . . . .	12
«Гым ньөвйось роскыс чышкө енэж лэбув» . . . . .	12
Дзоридзьяса видз . . . . .	13
Максаковкаын . . . . .	14
Вөт . . . . .	14
Коми муой . . . . .	15
Велосипед . . . . .	15
«Войвыв кодзув» журналлы . . . . .	15
Эскөм . . . . .	16
Льөм ю . . . . .	16
Сьөлөм дой . . . . .	17
Коммунистьяс . . . . .	17
Нимлун . . . . .	19
Өти лолөн . . . . .	19
Зарни пас . . . . .	20

Другъяс	21
«Тувсов луныс съёлөм пиё...»	23
«Визув ю дорын бара пукала...»	24
«Бур урожайлы сиём кось...»	25
«Шонді югөр пиё тулыс...»	26
Рыт	27
Казьтылөм	27
Томлун	28
Тулыс	29
«Менам мөвплөн сартассялөм росъяс...»	30
«Кымөр тывйё веськалөма шонді...»	30
«Вөръяс сайысь кыпалё төлысь рытьядор...»	31
«Регыд узян тэ, гожся шондй...»	31
Корөм	32
Ош	32
Юөр	33
Водз на кувны	33
Гуалігөн (В. В. Поляковлы)	34
«Зэ ыджыд кыз ю вомён күйліс...»	35
«Гым кымөр быттьё воши туйысь...»	37
«Пуксям, юыштам — талун өд празник...»	38
Зон корё нылөс	40
Ме кывбур гижя	41
Туйдор из	

#### Съыланкывъяс

Мед завидьтöны	42
Виччыся	42
Чöлан	43
Пырав ме ордö	43
Весьшөрö	44
Тökötтьö	44
Эн шогав, ныв	44
Радейтöм	45
Зонлөн муслун	

Мыйла өти . . . . .	45
«Юсьяслөн кыпөдчис стая...» . . . . .	46
Локті бөр . . . . .	46
Зарава . . . . .	47

### Мойдьяс

Дивө . . . . .	48
Дорччысь Ласьёй . . . . .	48
Ёма-баба . . . . .	50

### Поэмаяс

Шуд . . . . .	52
Сёрми . . . . .	63
Торпыриг . . . . .	75
Первой гөтыр . . . . .	81

СЧАСТЬЕ

Счастья, радости, любви, здоровья

на Новый год

Текст: А. И. Ковалев. Художник: А. И. Ковалев. Издательство: «Сибирь». 1988 г.

Содержание: Стихи, рассказы, сказки. Всего страниц: 100. Цена: 1 рубль.

Издательство: «Сибирь». Новосибирск. 1988 г.

82000

**Власов Василий Иванович**

## **СЧАСТЬЕ**

**Стихотворения, песни, сказки, поэмы**

*На коми языке*

---

Редактор В. А. Попов. Художественный редактор А. В. Мошнев. Технический редактор А. Н. Вишнева. Корректор А. А. Надуткина.

Сдано в набор 20/XI.1975 г. Подписано к печати 2/II 1976 г.  
Формат 70×108<sup>1</sup>/<sub>32</sub>. усл. печ. л. 4,2; уч.-изд. л. 3,45. Тираж 1000.  
Заказ № 7263. Ц00271. Цена 35 коп. Бумага № 1.  
Коми книжное издательство. Сыктывкар. Дом печати.

---

г. Сыктывкар, Республиканская типография Управления по делам издательств, полиграфии и книжной торговли Совета Министров Коми АССР.

32050

1014 74

THE UNIVERSITY OF CHICAGO  
1914

35 коп.

КОМИ КНИЖНОЕ ИЗДАТЕЛЬСТВО  
1976